



Ikinayarwanda

Igitabo cy'umunyeshuri
cyo gusomera mu ishuri no
mu rugo buri munsi

Umwaka wa 3



USAID
FROM THE AMERICAN PEOPLE

EDC Learning transforms lives.

Ikinyarwanda

**Igitabo cy'umunyeshuri
cyo gusomera mu ishuri no
mu rugo buri munsi**

Umwaka wa 3



Abanditse iki gitabo:

Mary Sugrue
Ikiriza Hope
Niyitegeka Dative
Uwiragiye Chantal
Ndandali Didace

Abajyanama:

Dr. Musabe Joyce
Bacumuwenda Nehemiah
Karerera Straton

Abashushanyije:

Bizimana Seif
Munyurangabo Jean de Dieu
Banza Dolph

Abatunganyije iki gitabo:

Twizeyimana Jean Pierre
Banza Dolph
Irihose Abdul Rahim

Abakosoye iki gitabo:

Uzabakiriho Salvator
Kubwimana Fortunée

Itsinda rishinzwe kwemeza integanyanyigisho n'imfashanyigisho (TAC)

Dr. Musabe Joyce
Gasana Janvier
Rwambonera François
Dr. Habineza Faustin
Dr. Kayigema Jacques

Abandi bantu bagize uruhare mu kwemeza iyi mfashanyigisho

Hakizimana Alexandre
Ntambara Jean
Nshimiyimana Alexis

© 2014 Rwanda Education Board.

The Rwanda Education Board holds the copyright for the materials in this collection.

This publication is made possible by the support of the American people through the United States Agency for International Development (USAID). The contents are the responsibility of Education Development Center (EDC) and do not necessarily reflect the views of USAID or the United States Government.

Ijambo ry'ibazze

Iki gitabo kigenewe umunyeshuri wiga mu mwaka wa gatatu, cyanditswe mu mwaka wa 2014 n'Ikigo Gishinzwe Guteza Imbere Uburezi mu Rwanda (REB) ku nkunga y'Ikigo cy'Amerika gishinzwe Iterambere Mpuzamahanga (USAID) binyujije mu Mushinga Ushinzwe Guteza imbere uburezi (EDC/L3). Ni igitabo kije gufasha mu gushyira mu bikorwa gahunda yo guteza imbere umuco wo gusoma no kwandika mu cyiciro cya mbere cy'amashuri abanza kugira ngo abana bawukurane kuko ari inkingi y'uburezi bufite ireme.

Iki gitabo kizafasha umunyeshuri kwiga gusoma no kwandika akora imyitozo igikubiyemo ndetse yimenyereza gusoma no kwandika uko agenda atera intambwe. Ni igitabo cyanditswe hakurikijwe ihame ryo kuva ku byoroshye ujya ku bikomeye, ku buryo gifasha umunyeshuri gusoma no kwandika uko agenda atera intambwe yunguka ubumenyi n'ubushobozi birushaho gutuma anoza imyigire ye ya buri munsi.

Mu gutegura iki gitabo hashingiwe ku mahame y'iyyigandro mu bijyanye n'imyigishirize ihamye yo gutoza abana gusoma no kwandika bakiri bato ku buryo umwana uzigishwa ibikubiye muri iki gitabo azashobora kugira ubushobozi bw'ibazze butuma akurana umuco wo gusoma kandi akawusigasira mu buzima bwe bwose. Ni yo mpamvu mu gutegura iki gitabo hitabajwe impuguke zinyuranye mu by'uburezi ndetse n'imyigishirize y'indimi cyane cyane ururimi rw'Ikinyarwanda kugira ngo kinogere umwarimu kandi kigirire akamaro abanyeshuri.

Turashimira rero abantu bose bagize uruhare mu kwandika iki gitabo kuko bashyigikiye ku buryo bw'umwihariko igikorwa cyo gutoza abana umuco wo gusoma no kwandika bakiri bato. Turasaba kandi abantu bose bazasoma n'abazakoresha iki gitabo gutanga ibitekerezo basanga byatumwa kirushaho kunogera abo kigenewe.

Dr. RUTAYISIRE John

Umuyobozi Mukuru w'Ikigo Gishinzwe
Guteza Imbere Uburezi mu Rwanda (REB).

Ishakiro

Ijambo ry'ibanze	iii
Iriburiro	vii
Igihembe cya 1	1
Icyumweru cya 1: Isubiramo ry'ibizwe mu mwaka wa 2.....	1
Icyumweru cya 2: nshy Nshy nkw Nkw nsh Nsh.....	3
Nshimiye yabuze urukwavu	5
Icyumweru cya 3: Njw Njw ndy Ndy nty Nty.....	12
Nyanjwenge ni intyoza.....	14
Icyumweru cya 4: mpy Mpy mpw Mpw nsy Nsy.....	21
Mpyorero na Mpyisi.....	23
Icyumweru cya 5: mvw Mvw byw Byw ncy Ncy	29
Bakame umunyamakuru	31
Icyumweru cya 6: shyw Shyw nshw Nshw myw Myw	37
Amayeri y'umubu	39
Icyumweru cya 7: nshyw Nshyw mby Mby mbyw Mbyw.....	46
Mukambyeyi, umuhinzi n'umucuruzi w'ibicuma	48
Icyumweru cya 8: pfy Pfy mvy Mvy ncw Ncw	55
Ncweze n'umuryango we.....	57
Icyumweru cya 9: mfw Mfw mvyw Mvyw ryw Ryw.....	64
Mfwati na Bakame	66
Isuzumabumenyi.....	73

Igihembe cya 2	77
Icyumweru cya 1: Isubiramo ry'ibyizwe mu gihembwe cya mbere ..	79
Icyumweru cya 2: Ubucuti	84
Incuti yanjiye	87
Icyumweru cya 3: Ikinyabupfura	92
Munganyinka yahinduye imyifatire.....	95
Icyumweru cya 4: Uburenganzira n'inshingano by'abana	100
Incuti eshatu n'udukwavu dutatu	103
Icyumweru cya 5: Gukunda igihugu	108
Dukunda igihugu cyacu	111
Icyumweru cya 6: Ubutwari	116
Ngenzi yagize ubutwari.....	119
Icyumweru cya 7: Ubushishozi	124
Twitondere kwambuka umuhanda	127
Icyumweru cya 8: Gukunda umurimo	132
Umurava wa Nyiraneza	134
Icyumweru cya 9: Ubworherane	139
Intama yafashije ingurube	141
Isuzumabumenyi.....	146

Igihembwe cya 3	149
Icyumweru cya 1: Isubiramo ry'ibyizwe mu gihembwe cya 2.....	151
Icyumweru cya 2: Umugani muremure	153
Akanyamasyo na Bakame	156
Icyumweru cya 3: Umuvugo “Uri mwiza mama”	163
Amagorane n’uturingushyo	166
Icyumweru cya 4: Indirimbo	171
Inyigisho za sogokuru.....	173
Icyumweru cya 5: Ikinamico “Turi magirirane”	179
Inyamaswa zo muri pariki.....	181
Icyumweru cya 6: Ibaruwa	187
Uburyo bw’itumanaho.....	189
Icyumweru cya 7: Umwirondoro.....	194
Nyirancuti, umukobwa w’intwari.....	196
Icyumweru cya 8: Ikinyamakuru	202
Umubu	204
Icyumweru cya 9: Umugani mugufi.....	208
Ibisyimbo	210
Isuzumabumenyi	215
Ibisakuzo.....	217
Imigani y’imigenurano.....	218
Ibyivugo.....	219
Indirimbo yubahiriza Igihugu cy’u Rwanda.....	220

Iriburiro



Iki gitabo cyo gusomera mu ishuri no mu rugo buri munsi, gikubiyemo utwandiko tugufi abanyeshuri bagomba gusomera ku ishuri ndetse no mu rugo bitoza kwandika, gusoma vuba no kuvuga badategwa. Gikubiyemo kandi imyandiko iherekejwe n'amashusho iri mu ngeri zitandukanye, ndetse n'imyitoto abanyeshuri bakorera mu ishuri no mu rugo buri munsi, bafashijwe n'umwarimu, ababyeyi babo cyangwa abo babana. Amashusho aherekeje imyandiko, afasha abanyeshuri kumva neza ibyo basoma. Ni ngombwa ko abanyeshuri batahana ibi bitabo byo gusoma buri munsi, kugira ngo abo babana mu rugo babafashe gusoma buri munsi no gukora imyitoto iteganijwe.

Muntagiriro ya burighembwe, hari imyitoto ifasha abanyeshuri gusubiramo ibyo bize mu gihembwe gishize. Iyi myitoto ikorwa mu cyumweru cya mbere cy'igihembwe. Ku buryo bw'umwihariko, mu gihembwe cya kabiri cy'umwaka wa gatatu, iyo myitoto izakorwa mu masomo abiri, hanyuma abanyeshuri batangire kwitoza kwandika mu mukono.

Kunoza umukono, bije nyuma y'uko abanyeshuri barangije kwiga ibihekane byose, bityo bakaba bashobora gusoma no kwandika inyandiko zose z'lkinyarwanda zanditse mu cyapa. Mu kunoza umukono, inyuguti zatondetswe kandi zinashyirwa mu matsinda hakurikijwe uburyo n'ibyerekezo zandikwamo kugira ngo byorohere abanyeshuri kwitoza kuzandika. Ayo matsinda ateye ku buryo bukurikira: *izandikwa mu cyerekezo cy'inshinge z'isaha, izandikwa mu cyerekezo kinyuranye n'icy'inshinge z'isaha, izijya hejuru, izigana hasi n'izandikwa mu mirongo ivunaguye.*

Imyitoto yo kunoza umukono iri muri iki gitabo, na yo itondetse mbere na mbere hashingiwe kuri ayo matsinda, hakabona gukurikiraho imyitoto yo kwandika noneho amagambo n'interuro izo nyuguti zibonekamo zose. Kunoza umukono ni ngombwa, kuko bifasha umunyeshuri kunyeganyeza imikaya ye mu byerekezo bitandukanye kandi mu buryo bw'urwunge. Ibyo bimufasha kandi kumenya kwitegerezza buri nyuguti, bityo bigakuza ubwonko bwe. Imiterere itandukanye y'inyuguti zo mu mukono, izafasha umunyeshuri gutahura izo nyuguti aho zanditse aho ari ho hose no mu bugeni bwose zandikwamo, nko ku byapa, mu matangazo aranga,

n'ahandi. Bizamufasha kandi kwandika neza ibimenyetso bikoreshwa mu yandi masomo aziga amaze gukura, nk'ibikoreshwa mu Butabire, mu Mibare no mu Bugenge.

Mu mpera y'igihembwe cya kabiri hari imbonerahamwe y'inyuguti nto n'inkuru zanditswe mu mukono, kugira ngo umwana ajye azireberaho, anashobore gukosora ibyo yanditse.

Abanyeshuri barakangurirwa gukorera mu rugo imyitozo ijyanye n'ibyo bize mu ishuri buri munsi.

Ababyeyi cyangwa abandi babana n'abanyeshuri barakangurirwa kubafasha kuba abasomyi beza no kubakundisha gusoma, babagenera nibura iminota makumyabiri buri munsi yo kubasomera ibyo bize mu ishuri uwo munsi cyangwa mu masomo yabanje, na bo bakabibafashamo uko bashoboye.

Mu gihe abanyeshuri basoma, ni byiza kubashishikariza kwitegereza neza buri jambo uko barisoma cyangwa se uko basoma interuro. Niba umunyeshuri adashobora gusoma ijambo cyangwa se interuro runaka, byaba byiza kumushishikariza kubisubiramo.

Mu gihe akomeje kunanirwa kubisoma, ni ngombwa kumufasha no kumusobanurira uko iyo nyuguti, iryo jambo cyangwa iyo nteruro bisomwa. Ni byiza kandi kwibuka gushimira umunyeshuri ku ijambo asomye neza, cyangwa agerageje gusoma neza. Kumushimira bimutera umwete wo gukomeza kugerageza no gukora neza kurushaho.

Imyitozo yo gusomera mu rugo ni inkingi ikomeye mu rwego rwo guteza imbere umuco wo gusoma. Kubera iyo mpamvu, amashuri arasabwa gushishikariza ababyeyi cyangwa abandi babana n'abana kubakundisha umuco wo gusoma no kuwubashyigikiramo.

Igihembe cya 1

Icyumweru cya 1: Isubiramo ry'ibyizwe mu mwaka wa 2



Umwitoto 1: Soma amagambo akurikira.

- | | | |
|-------------|---------------|---------------|
| 1. arajijwa | 2. inyanya | 3. amamininwa |
| 4. imvura | 5. umukinnnyi | 6. imbwa |
| 7. amagambo | 8. imyotso | 9. imicwira |
| 10. impaka | 11. gukomezwa | 12. ipfa |
| 13. indwara | 14. ishyamba | 15. icyayi |



Umwitoto 2: Soma interuro zikurikira.

1. Rugwiyo yabwiye nyina ati “mama, ngiye mu gishanga guhinga amashu.”
2. Umunsi Kadwidwi yuzuzaga imyaka itanu, se yamujyanye mu ishyamba rya Nyungwe kureba inyoni zitandukanye.



Umwitoto 3: Soma agakuru gakurikira.

Ntaganzwa n'incuti ze

Kera habayeho umwana w'umuhungu akitwa Ntaganzwa. Ntaganzwa yari incuti y'inyamaswa zitandukanye. Umunsi umwe, yagize isabukuru y'amavuko ariko ntiyashobora gukora umunsi mukuru. Ntaganzwa yirirwa mu rugo, umugoroba ugeze abona incuti ze zose zimugezeho. Imparage izana n'imvubu, urusamagwe ruzana n'impyisi. imbwa zo zizana n'inka z'ingweba. Izo nyamaswa zamuzaniye ibyo kunywa, ibyo kurya ndetse n'impano zitandukanye. Ntaganzwa arishima cyane, kandi ashimira n'incuti ze zose.



Umwitoto wa 4: Subiza ibibazo bikurikira ku nkuru wasomewe mu mwaka wa kabiri

1. Vuga uko byagenze mu ntangiriro, hagati no mu mpera y'inkuru.
2. Ni uwuhe mukinnyi wakunze muri iyi nkuru. Kubera iki?
3. Ibyo wumvise mu nkuru hari aho wigeze ubibona?
Sobanura uko byagenze?
4. Ni iyihe nyigisho ukuye mu nkuru?



Umwitoto wa 5: Ibibazo byo kumva umwandiko.

1. Ni ba nde bavugwa mu nkuru?
2. Byagenze gute mu ntangiriro y'inkuru?
3. Ni uwuhe mukinnyi wakunze mu nkuru? Kubera iki?
4. Iyi nkuru itangira ite?
5. Ni iyihe nyigisho ukuye muri iyi nkuru?



Umwitoto 6: Tondeka aya magambo ukore interuro zumvikana, hanyuma uzandike mu ikayi yawe.

1. mwana_yasyigingijwe_urinya,_n'_nyinshi_indwara.
2. no_zimudwingagura_Mugisha_ishyamba_mu ahurirayo_
ku_matwi_ntoki_yagiye_n'inzuki_mu .

Icyumweru cya 2: nshy Nshy nkw Nkw nsh Nsh

1



Soma amagambo akurikira.

- | | | |
|---------------|--------------|--------------|
| 1. inkwi | 2. Rwinkwavu | 3. inshabari |
| 4. inshyushyu | 5. inshishi | 6. inshyi |

2



Soma amagambo akurikira.

- | | | |
|-----------------|-------------|----------------|
| 1. nshyashhyane | 2. inshinge | 3. Nkwaya |
| 4. Nshimiye | 5. inkwano | 6. Nyirinkwaya |
| 7. inshyomotsi | 8. Nyanshya | 9. inshinga |
| 10. inshyimbo | 11. nyinshi | 12. inkware |



Soma interuro zikurikira.

1. Umusaza Nshimiye yasanze ndangariye inkware ankubita inshyimbo ye ati “ngwino dutahe.”
2. Nyanshya afite inkwatu nyinshi cyane ku musozi wa Rwinkwavu.
3. Umwarimu yadusabye gushushanya ibyo dushaka, nuko nshushanya inkweto nshya ziri mu iduka.

3



**Uhereye ku nkuru wasomewe, uzuza iyi
nteruro hanyuma uyandike mu ikaye yawe.**

Umunsi umwe Nyanshya, urushishi rwari inkwakuzi mu zindi

4

Soma agakuru gakurikira.

Nyirinkwaya yahakuye isomo

Nyirinkwaya n'umuryango we batewe n'inshishi. Kwa Nyirinkwaya bakundaga kurya inkwavu bakarenzaho inshyushyu. Muri uwo muryango, nta wibukaga kwandurura nyuma yo kurya. Ibyo byatumye inshishi zihora zigendagenda mu nzu yabo zitoragura ibiryo byaguye hasi n'ibyasigaye ku masahane. Umunsi umwe, Nyirinkwaya afata inshyimbo ye maze ajya gusura mucuti we Nshimiye. Agezeyo, asanga bamaze kurya, atangazwa n'ukuntu abana ba Nshimiye bitonda, bahita bakora isuku aho baririye. Aribwira ati "Nshimiye yagize amahirwe pe! Abana be baritonda, nta nshyomotsi ibarimo. Guhera ubu, jyewe n'umuryango wanje dukwiye kwisubiraho, tugahagurukira isuku." Kuva ubwo, Nyirinkwaya n'umuryango we batangira kugira isuku.



Tondeka aya magambo ukore interuro nzima hanyuma uzandike mu ikayi yawe.

1. akoresheje_menshi_nshya_inshundura_amafi_Nkwaya_yarobye.
2. inkwavu_Namuhaye_muha_yo_kunywa_n'inshyushyu_zo_korora

5

1. Hitamo nshy, nkw cyangwa nsh wuzuze aya magambo hanyuma uyandike mu ikayi yawe.

1. ...uhije
2. ...ogoza
3. i...ano
4. i....inge


6

Andika yego cyangwa oya niba iyi nteruro ihuye n'ibivugwa mu nkuru wasomewe.

1. Urushishi rw'inkwakuzi rwitwaga Nshimiye.
2. Ku meza hariho inyama z'inkwavu, inshyushyu, imboga n'imbuto nyinshi zitandukanye.
3. Inshishi zariye ibiryo byose byari biteguwe zirabimara.

1

Nshimiye yabuze urukwavu




2



Nshimiye yari umwana w'umuhungu wabaga i Rwinkwavu.

3



Nshimiye uwo, yari atunze inkwavu nyinshi.
Muri izo nkwavu, harimo rumwe yakundaga cyane.

4



Yarukundiraga ko igihe cyose rwabaga rurwaye, yaruteraga
inshinge, ntirutake cyane.

5



Umunsi umwe, Nshimiye avuye ku ishuri asanga urwo rukwavu rwabuze. Nshimiye biramubabaza cyane.

Nuko atangira kurushakisha

6




Arushakira ku muturanyi wabo Nyirankware asanga anywa inshyushyu, ariko urukwavu rwe ararubura. Nshimiye akomeza gushakisha urwo rukwavu.

7



Arushakira mubihuru byari aho hafi, abona Nkwaya asenya inkwi, ariko urukwawu rwe ararubura. Nuko Nshimiye akomeza gushakisha urwo rukwawu.

8




Yarushakiye murima warimo inkwana z'amateke, abona Kankwanzi abagara amateke ariko urukwawu rwe ararubura. Nuko Nshimiye akomeza gushakisha urwo rukwawu.

9



Nshimiye aribwira ati "uru rukwavu nta rwo nkibonye pe! Reka ntahe nshyushye amazi noge, mpanagure n'izi nkweto nzakomeza kurushakisha ejo."

10



Ageze imbere, yumva inkware zivugira mu giti cyari aho ku nzira. Nshimiye aracyegera, abona rwa rukwavu rwe ruryamye munsi y'icyo giti rukikijwe n'utwana dutandatu.

11



Nshimiye yitegerezza urukwavu rwe ararubwira ati “uri inkwakzi pe! Kuva ubu nkwise Nkwakzi.”

12

Ibibazo byo kumva inkuru

Ushingiye ku byo wasome mu nkuru, subiza ibibazo bikurikira:

1. Nshimiye uvugwa mu nkuru ni muntu ki?
2. Ni ukubera iki Nshimiye yakundaga urukwavu rumwe kurusha izindi zose?
3. Ni iki cyabaye kuri urwo rukwavu Nshimiye yakundaga?
4. Ni hehe Nshimiye yashakiye urukwavu rwe?
5. Iyi nkuru irangira ite?
6. Ni iki wakwigira kuri Nshimiye wigaga kandi akorora n'agakwavu akakitaho?

13

Fora ndi nde ?

1. Turi udusimba duto cyane. Tugenda ku murongo umwe buri gihe. Fora turi ba nde?
2. Nkoze mu biti. Unkoresha mu guteka. Kandi ushobora kwifashisha ishoka kugira ngo umbone. Fora ndi nde?
3. Nkunda kunyobwa n'abantu benshi cyane. Iyo ndaye batanyoye mpinduka ikivuguto. Fora ndi nde?

1. inshishi

2. inkwi

3. inshyushyuh

14

Sakwe sakwe!

1. Nshinze umwe ndasakara.
2. Ndaguteruye ndakwesa urahindukira urandeba.
3. Cyasamye kitaryana.
4. Mpinze mu gahinga nzarurira mu gipfunsi.
5. Mfite abana bane kuva bavuka barirukankana ariko nta n'umwe ufata undi.

1. Igihumayo 2. Ubunyagererit. 3. Umuryango w'inzu. 4. Umusatst. 5. Amapine y'imodoka.

1



Soma magambo akurikira.

- | | | |
|--------------|------------------|----------------|
| 1. Ntyazo | 2. intyoza | 3. injwiri |
| 4. indyabiti | 5. indyoshyandyo | 6. aranjwibuye |

2



Soma amagambo akurikira.

- | | | |
|----------------|----------------|------------------|
| 1. arashinjwa | 2. intyabire | 3. indyabyatsi |
| 4. ukintyarize | 5. indyarya | 6. kwinjwa |
| 7. ndyumehe | 8. injwegegeri | 9. indyoshyandyo |
| 10. gukunjwa | 11. ntyaza | 12. indyo |



Soma interuro zikurikira.

1. Fata icyo cyuma ukintyarize jye ngiye kugura indyoshyandyo mu isoko i Ntyazo.
2. Indyarya ihmwa n'indyamirizi.
3. Nyirantyoza yabonye atangiye gushinjwa amanjwe aribwira ati "reka ndyumehe, ndakizwa n'ubuyobozi."

3



**Uhereye ku nkuru wasomewe, uzuza iyi
nteruro hanyuma uyandike mu ikaye yawe.**

Ndyanabo yaravuze ati "....."

4

Soma agakuru gakurikira.

Turye indyo yuzuye.

Abana ba Nyanjwenge bari baraganjwe n'indwara. Burimunsi, saa sita na nimugoroba yabagaburiraga icyayi n'amandazi. Umunsi umwe, ajya gutabaza Nyirantyoza ngo amurangire umuti wamuvurira abana. Agezeyo asanga Nyirantyoza agaburira abana be indyo yuzuye irimo amata, imboga n'imbuto. Nuko Nyanjwenge arabyitegerezza aravuga ati "ahaa! Mbonye impamu abana banjye baganjwe n'indwara. Abana banjye nirirwaga nanjwa mbaha indyo yamanjwe. Kuva ubu nanjye ngiye kujya mbaha indyo yuzuye."



Tondeka aya magambo ukore interuro nzima hanyuma uzandike mu ikayi yawe.

1. indyabiti_kugura_Ntyazo_agiye_Senjwiri_i.
2. yatetse_ashyiramo_nyinshi_ibiryo_Kibanjwa_indyoshyandyo.

5

Hitamo ndy, njw cyangwa nty wuzuze aya magambo hanyuma uyandike mu ikayi yawe.

1. i...iri
2. i...arya
3. i...oza
4. guku....a


6

Ushingiye ku nkuru wasomewe mu ishuri, hitamo igisubizo nyacyo maze ucyandike mu ikayi yawe.

- | | |
|-----------------------------|-------------------------------------|
| 1. Ndyanabo yakundaga iki?: | 2. Nyirantyoza yari ari gukora iki? |
| a. Gukina cyane. | a. Gukubura mu mbuga. |
| b. Kureba tereviziyo. | b. Gukaraba intoki. |
| c. Gukubura. | c. Kureba tereviziyo. |

1

Nyanjwenge ni intyoza



2

Ishuri ribanza
rya Ntyazo



Nyanjwenge yiga ku ishuri ribanza rya Ntyazo.
Ntajya akererwa kugera ku ishuri na rimwe.

3



Kibanjwa, Ndyanabo na Senjwiri bo bakunda kurangara mu nzira, bigatuma bahora bakererwa kugera ku ishuri.

4



Umunsi umwe, Nyanjwenge yarabyutse yitegura vuba ajya ku ishuri nk'uko byari bisanzwe.

5



Mu nzira, anyura kuri Kibanjwa atoragura isenene aramwitegerezza, maze aramubwira ati "reka kwanjwa, banguka tujye kwiga tudakererwa."

6



Kibanjwa areka ayo manjwe, akurikira Nyajwenge vuba vuba, berekeza i Ntyazo ku ishuri. Bagendabihuta ngo badakererwa.

7



Nyanjwenge na Kibanjwa bigiye imbere, babona Ndyanabo
atoragura intyabire, baramwitegerezza maze bakomeza kwihuta
ngo badakererwa.

8




Ndyanabo abonye ukuntu Nyanjwenge na Kibanjwa bihutaga,
areka ayo manjwe ajyana na bo ku ishuri .

9




Nyanjwenge, Kibanjwa na Ndyanabo bigiye imbere, babona
Senjwiri atera imigeri, akinisha ibisheke byakanjakanjwe n'abagenzi
baramwitegerezza maze bakomeza kwihuta ngo badakererwa.

10



Senjwiri abonye ukuntu Nyanjwenge, Kibanjwa na Ndyanabo
bihuta areka ayo manjwe ajyana na bo ku ishuri.”

11



Nyanwenge, Kibanjwa, Ndyanabo na Senjwiri bageze ku ishuri, bahura n'umwarimu wabo arababwira ati "mbashimiye kuba mugereye ku ishuri igihe."

12

Ibibazo byo kumva inkuru

Ushingiye ku byo wasomye mu nkuru, subiza ibibazo bikurikira:

1. Ni bande bavugwa muri iyi nkuru?
2. Nyanwenge n'incuti ze bigaga ku rihe shuri?
3. Ni ukubera iki Kibanjwa, Senjwiri na Ndyanabo bageraga ku ishuri bakererewe cyane buri gihe?
4. Kibanjwa, Senjwiri na Ndyanabo bakoze iki ngo bajye bagera ku ishuri hakiri kare?
5. Iyi nkuru irangira ite?
6. Haba hari abanyeshuri bakerezwa no kurangara mu nzira ujya ubona? Ni gute ugiye kujya ubafasha?

13

Fora ndi nde?

1. Ndi umusatsi muke cyane ku mutwe kandi nizingazingiye ku mutwe. Fora ndi nde?
2. Ndi igikoresho cyo mu rugo. Ushobora kunyifashisha utema ishyamba cyangwa se wasa inkwi. Fora ndi nde?
3. Ndi ubwoko bw'ibihumyo bito. Ntuye mu ishyamba kandi ndaribwa.

1. injwiri 2. indyakwi 3. intyabire

14

Sakwe sakwe!

1. Navutse mpinnye urutoki.
2. Nararanye n'inyamaswa mbura amajanja.
3. Aka kayira kasiba twahwera
4. Nkora nkurege

1. Umugondoro w'ibisheyimbo. 2. Ijoro. 3. Akayira kajya mu kigéga. 4. Isafurtya.

1



Soma amagambo akurikira.

1. insyo
2. impyisi
3. impwerume
4. impwempwe
5. winsyonyora
6. impyiko

2



Soma amagambo akurikira.

1. mpyipyinyura
2. aransyonyoye
3. Mpyorero
4. myature
5. arampyora
6. arampwitura
7. Mpwerazikamwa
8. umpyemure
9. Nyiransyo
10. mpwikwa
11. Mpyisi
12. mpyemura



Soma izi nteruro zikurikira.

1. Iyo Mpyorero asanze ndangaye, arampwitura ngo nihute ntakererwa.
2. Mpwerazikamwa yaguze inyama z'impyiko azibagirirwa mu kabari.
3. Mpyipyinyura umpyemure njye gucirira impwerume, dore abajura bandembeje.

3



**Uhereye ku nkuru wasomewe, uzuza iyi
nteruro hanyuma uyandike mu ikaye yawe.**

Mu ishyamba rya Nyungwe harimo

4

Soma agakuru gakurikira.

Mpyorero yaransyonyoye

Umunsi umwe, nari ndi ku kibuga, nkina umupira na Mpyorero. Ngiye kumutanga gutera umupira, ampyatura umugeri ku kuguru, ansyonyora n'ikirenge. Ako kanya, nikubita ku mabuye ameze nk'insyo yari iruhande rw'ikibuga, maze ampyora mu mpwempwe. Nuko umutoza Mpwerazikamwa aramuhamagara, amuha igihano. Nyuma Mpyoreroaza kunsaba imbabazi ndamubarira. Kuva icyo gihe, Mpyorero areka gukina asyonyorana.



Tondeka aya magambo ukore interuro nzima hanyuma uzandike mu ikayi yawe.

- 1.** nyinshi_Mpyorero_mu_impwempwe_gatuza_afite.
- 2.** gusa_muntu_impyiko_Buri_ebyiri_agira.

5

Hitamo mpy, mpw cyangwa nsy wuzuze aya magambo hanyuma uyandike mu ikayi yawe.

- 1.** yara...onyoye **2.** ...orero **3.** i...iko **4.** i...e...e

6

Subiza yego cyangwa oya ushingiye ku nkuru wasomewe mu ishuri.

- 1.** Inkende yabaga muri Nyungwe yitwaga Mpyisi.
- 2.** Inkuru twasomewe yitwa “Ubugome bw'inyamaswa.”
- 3.** Inkuru irangira inyamaswa zose zishimye.

1

Mpyorero na Mpyisi



2



Kera habayeho umugabo akitwa Mpyorero. Uwo mugabo Mpyorero yari afite impwempwe nyinshi kandi akagira isuku cyane. Mpyorero yari afite insyo zasyaga amasaka n'ibigori. Abaturage bose bajyaga gushesha iwe babanzaga kwisukura.

3



Hariho undi mugabo witwaga Mpyisi, wari umuhinzi akaba n'umukungu. Mpyisi yari afite imirima myinshi y'ibigori, amasaka, ingano, uburo n'ibindi byinshi.

4



Umunsi umwe, Mpyisi akenera insyo zo gusya amasaka n'ibigori yari yejeje. Nuko yibuka ko kwa Mpyorero haba insyo nziza.

5



Bukeye bwaho, Mpyisi apakira umufuka wuzuye amasaka n'ibigori, abipakira ku igare, nuko ajya kubishesha kwa Mpyorero. Yagendaga yihuta ngo adasanga kwa Mpyorero hamaze kugera abantu benshi bakeneye gushesha.

6



Hari mu gihe cy'имвура. Mu nzira, Mpyisi anyura ahantu hari ibyondo byinshi, aranyerera yituramo, maze ibyondo bimwuzura umubiri wose.

7



Mpyisi ariko akomeza gahunda ye yo kujya gushesha.
Agezeyo, arasuhuza. Mpyorero n'abaturage bose bari aho,
aho kumwikiriza basekera icyarimwe.

8



Nuko Mpyisi aribwira ati "Mpyorero na bariya baturage
barampwituye pe!" Aherako asubira iwe. Agenda yihuta cyane
kugira ngo agaruke butarira.

9



Agezeyo, abwira umuhungu we Mpwerazikamwa ati "mwana wa, mfasha umpyipyinyure, umpyemure, hari aho nshaka kwigira".

10



Mpyisi amaze kwisukura, arongera apakira umufuka w'amasaka, asubira kwa Mpyorero gushesha ku nsyo. Agezeyo, baramwishimira bamuha insyo asya amasaka ye.

11

Ibibazo byo kumva inkuru

Ushingiye ku byo wasome mu nkuru, subiza ibibazo bikurikira:

1. Ni ba nde bavugwa muri iyi nkuru?
2. Ni iki Mpyisi yari agiye gukora kwa Mpyorero?
3. Byagenze bite Mpyisi yikubise hasi?
4. Kuki Mpyisi yasetswe n'abantu bose bo kwa Mpyorero?
5. Iyi nkuru irangira ite?
6. Ni izihe nyigisho wakura kuri aba bagabo bavugwa mu mwandiko Mpyisi na Mpyorero?

12

Fora ndi nde?

1. Ndi inyamaswa y'ishyamba. Ngira ubwoba cyane kandi uwo ari we wese ashobora kumpenda ubwenge. Fora ndi nde?
2. Ndi ubwoko bw'umusatsi. Nibera mu gatuza k'abagabo bamwe na bamwe. Fora ndi nde?
3. Twaragowel! Nawe se amasaka n'ingano byose ni twe babizanira ngo dukuremo ifu banywamo igikoma. Turi ibibuye binini ariko dufite izina ryihariye. Fora turi ba nde?

3. insyo

2. impwemppwe

1. impyisi

1



Soma amagambo akurikira.

- | | | |
|-------------|-------------|--------------|
| 1. incyuro | 2. gusebywa | 3. incyamuro |
| 4. gutobywa | 5. kumvwa | 6. sincyumva |

2



Soma amagambo akurikira.

- | | | |
|----------------|-----------------|-----------------|
| 1. guhomvomvwa | 2. sincyura | 3. Ncyuramihigo |
| 4. kuyobywa | 5. gusibywa | 6. yumvwa |
| 7. ncyongereho | 8. arahomvomvwa | 9. arancyurira |
| 10. gutebywa | 11. gukarabywa | 12. guhebywa |



Soma interuro zikurikira.

1. Ncyuramihigo arahomvomvwa kubera ubwoba yatewe n'impisi yabonye.
2. Radiyo yumvwa n'abantu benshi ku isi.
3. Senjwiri akunda gusibywa ishuri n'indwara.

3



**Uhereye ku nkuru wasomewe, uzuza iyi
nteruro hanyuma uyandike mu ikaye yawe.**

Agashwi katasaga n'utundi kababajwe n'

4



Soma agakuru gakurikira.

Uko Mugisha yita ku biti

Ncyuramihigo atuye ku musozi uhanamye utarangwaho igiti na kimwe. Ahora ahomvomvwa kubera isuri mu mirima ye. Yagiye gusura incuti ye Mugisha. Agezeyo asanga Mugisha aratera igiti. Nuko Ncyuramihigo asobanuza Mugisha uko abigenza. Mugisha atangira kumusobanurira imikorere ye. Mugisha abwira Ncyuramihigo ati “jye sinzongera guhomvomvwa ukundi, nasobanukiwe ko ibiti birwanya isuri. Akensi, nsibywa kujya ku isoko no gutera ibiti. Ndazinduka, ngatora incyamuro, nkajya kubagara ibiti nateye.” Akomeza amusobanurira ati “iyo ndangije kubibagara, buri giti ncyongeraho ifumbire. Iyo ndangije ibyo, ncyuhira amazi ahagije.” Nuko Ncyuramihigo ataha yishimye, na we ajya gukora nka Mugisha.



Tondeka aya magambo ukore interuro nzima hanyuma uzandike mu ikayi yawe.

1. gutera_ncyamuro_mu_Akira_ibishyimbo_ujye_iyi_kabande.
2. Ndyanabo_no_yababajwe_Ncyuramihigo_kuyobywa .

5



1. Hitamo mvw, byw cyangwa ncy wuzuze aya magambo hanyuma uyandike mu ikayi yawe.

1. i...amuro
2. kuyo...a
3. guhe...a
4. si....u...a

6




Ushingiye ku nkuru wasomewe mu ishuri, hitamo interuro ihuye n'ibivugwa maze uyandike mu ikayi yawe.

- | | |
|--------------------------------|---------------------------|
| 1. Inkuru yatangiye: | 2. Imbata yari yishimiye: |
| a. imbata iri mu mazi. | a. Kumvwa n'abana bayo. |
| b. imbata yicaye ku igi ryayo. | b. Kuyobywa n'abana bayo |
| c. imbata iri mu ishyamba. | c. Guhebywa n'abana bayo. |

1

Bakame umunyamakuru



2



Kera, Bakame yari umunyamakuru, igakunda gutangaza
amakuru y'ibinyoma.

3



Kubera ko radyo yuvwaga n'nyamaswa zose, nyuma
y'igihe gito inyinshi muri zo zari zimaze kuyobywa
n'ibinyoma bya Bakame.

4



Kubera amakuru y'ibinyoma Bakame yatangazaga, izo
nyamaswa zirirwaga zihomvomvwa zisubira mu byo zumvise
kuri radyo.

5



Intare umwami w'ishyamba birayibabaza cyane ikajya
yibaza iti "ibi ni ibiki koko? Sincymvwa n'abo nyobora!"
Intare igira agahinda kenshi kubera icyo kibazo.

6



Intare ikomeza kwibaza uko yakwikura muri icyo kibazo.
Nuko yigira inama yo gutumira ibyegera byayo ngo byige ku
kibazo cya Bakame yari imaze iminsi itangaza amakuru y'ibinyoma.

7




Bukeye bwaho inyamaswa zose zitumirwa mu nama ngo zifatanye gushaka umuti w'icyo kibazo.

8



Nyuma y'ibiganiro no kungurana ibitekerezo, inyamaswa zimanika itangazo rimenyesha inyamaswa zose kwirinda kuyobywa, gusibywa no guhomvomvwa n'ibinyoma bya Bakame.

9



Bakame na yo yiyemeza kutazongera gutangaza ibinyoma ukundi. Kuva ubwo, inyamaswa zose zibana mu mudendezo nta rwikekwe.

10

Ibibazo byo kumva inkuru

Ushingiye ku byo wasomye mu nkuru, subiza ibibazo bikurikira:

1. Ni izihe nyamaswa zivugwa muri iyi nkuru?
2. Bakame yarangwaga n'iki muri iyi nkuru?
3. Kuki izindi nyamaswa zirirwaga zihomvomvwa?
4. Intare umwami w'ishyamba byayigendekeye bite nyuma yo kubona ko inyamaswa zose zirirwa zihomvomvwa?
5. Inkuru irangira ite?
6. Aho uba no mu bantu mubana, haba hari abantu bakwirakwiza ibihuha namatiku yatera impagarara? Ni iyihe nama wagira abo bantu?

11

Fora ndi nde?

1. Ndi agasuka gato gakwkiye mu muhini mugufi. Nifashishwa mu gutera imbuto no kubagara imyaka. Fora ndi nde?
2. Ni igikoresho cyo mu rugo. Numvwa n'abantu benshi kuko mbagezaho amakuru yo hirya no hino kandi ntava aho ndi. Fora ndi nde?
3. Nyobora abagenzi, mba ahitegeye kugira ngo abari gusoma bose basobanukirwe n'ibyo mvuga.

lradiyo

lcypapä

lnchymuro

14

Sakwe sakwe!

1. Mpiritse indobo ikwira ingo zose.
2. Kuba ahirengeye si ko kumva
3. Inka zanje zirishiriza ku manga ariko ntizitembe.
4. Rukara rw'imiringa yicariye abagabo batatu.

1. Amazimwe yo ku rurembo. 2. Agasongero k'inzu. 3. Amatwi. 4. Inkono ku mashyiga.

Icyumweru cya 6: shyw Shyw nshw Nshw myw Myw

1



Soma amagambo akurikira.

1. umwishywa
2. nshwekure
3. kurumywa
4. inshwabari
5. guhumywa
6. koshywa

2



Soma amagambo akurikira.

1. gukamywa
2. yanshwaratuye
3. kubishywa
4. birarumywa
5. aranshwiragiza
6. kurushywa
7. inshwiragizi
8. yanshwishurije
9. yanshwanyagurije
10. yatashywe
11. kubeshywa
12. zikarishywa



Soma interuro zikurikira.

1. Winshwiragiza nkeneye kubanza kurandura uyu mwishywa.
2. Ibidendezi by'amazi byose bikeneye gukamywa, n'inzitiramibu zose zigakarishywa.
3. Semwishywa yanshwishurije kuntemera imiyenzi kubera gutinya guhumywa na yo.

3



**Uhereye ku nkuru wasomewe, uzuza iyi
nteruro hanyuma uyandike mu ikaye yawe.**

Semwishywa yari

4

Soma gakuru gakurikira.

Twirinde Marariya

Nshwiragizi akunda kurwara marariya. Ahora abeshywa ko marariya iterwa no kurya ibisheke. Umunsi umwe, yasanze umujyanama w'ubuzima amubwira ikibazo cye. Umujyanama w'ubuzimaamuha ibisobanuro bihagine, amuha inzitiramubu ikarishywa, amusobanurira ko marariya ihashywa no kuyirinda aryama mu nzitiramibu. Arakomeza aramubwira ati "uramenye, ntuzongere koshhya cyangwa kubeshywa ukundi." Nuko aramubwira ati "ibizenga bikikije urugo rwawe byose kandi bigomba gukamywa kuko bikurura imibu." Nuko Nshwiragizi arataha abikora atyo, ntiyongera kurwara marariya ukundi.



Tondeka aya magambo ukore interuro nzima hanyuma uzandike mu ikayi yawe.

1. n'abana_ndeke_nshwekure_Reka_kubeshywa.
2. ku_Semwisywa_gusomywa_mutobe_yishimiye.

5

Hitamo shyw, nshw cyangwa myw wuzuze aya magambo hanyuma uyandike mu ikayi yawe.

1. umwi...a
2. kuru...a
3. i...iragizi
4. kuru....a

6

Subiza yego cyangwa oya ushingiye ku nkuru "Amayeri y'umubu".

1. Umubu Semashywa wakwirakwizaga marariya.
2. Semwisywa yahuye n'injangwe iramurya.
3. Abantu babuze icyo bakora baguma kuribwa n'imibu.

1

Amayeri y'umubu



2



Umubu Semashywa wari umenyereye kuruma abantu ukabatera marariya. Umugoroba umwe, uribwira uti "reka nshwekure ngabe igitero mu bantu."

3



Umubo Semashywa n'abana bawo bigambaga kubyibushywa n'amaraso banyunuzaga mu bantu. Buri mugoroba, iyo mibu yaricaraga ikishimira uburyo yabaga yarumaguye abantu.

4



Abantu bo bari barakajwe cyane no kuba igishanga cyabo cyaratashywe n'imibu. Birirwaga binubira uburyo imibu yabaga muri icyo gishanga yahoraga iduhira inabarumagura.

5



Umunsi umwe, umujyanama w'ubuzima atumiza inama yo kwiga ku kibazo cy'iyo mibu. Umugore umwe mu bari aho araterura ati "jye iyi mibu imaze kunshwiragiza pe!"

6



Undi ati "ese muzi ko mwishywa wa Nshwiragizi yari agiye guhumywa n'imibu myinshi yamurumiye icyarimwe mu maso?"

7



Umujuyanama w'ubuzima yungamo ati "birababaje cyane, kandi iyi mibu yoshywa n'uko muri mwe hari ababeshywe ko marariya idaterwa n'imibu."

8



Nyuma yo kungurana ibitekerezo, bemeza ko abantu bose bagomba kurara mu nzitiramibu ziteye imiti.

9



Bemeza ko buri mugoroba amadirishya yose agomba
gufungwa akarunywa, ku buryo nta mubu ushobora kwinjira mu
nzu.

10



Bemeza kandi ko ibihuru byose bikikije ingo bigomba
gutemwa n' ibidendezi by'amazi byose bigakamywa, mu
rwego rwo kwirinda imibu yakwihihamo.

11



Kuva ubwo abantu bo kuri uwo musozi, baca ukubiri na marariya.

12

Ibibazo byo kumva inkuru

Ushingiye ku byo wasome mu nkuru, subiza ibibazo bikurikira:

1. Ni uwuhe mugambi umubu Semashywa ufite?
2. Abaturage bafite ikihe kibazo?
3. Kuki umujyanama w'ubuzima yatumije inama?
4. Ni ubuhe buryo bwo kwirinda marariya bwavugiwe muri iyo nama?
5. Inkuru irangira ite?
6. Aho uba ubona hari ingamba zo kurwanya marariya nko gutema ibihuru, kurara mu nzitiramubu n'ibindi? Niba ubona bidakorwa wowe ugiye gukora iki?

13

Uzuza interuro zikurikira wifashishije aya magambo: imbyiro, inshywa, kurembywa. Andika interuro ubonye mu ikayi yawe.

1. Abana be bakomezagano kutitabwaho.
2. Kubera kudakaraba, umubiri we watonzweho
n'
3. Yashyize amazi mu gicuma kirimo..... none
ararura.

14

Shaka amagambo arimo ibihekane “mby” cyangwa “mbyw” uyuzurishe ahari utudomo ku buryo izi nteruro zigira ibisobanuro biboneye.

Imyakano guhingwa mu murima
utarimo ifumbire.

Inka yanje igejejeenye ibyara
ibimasa gusa.

Abacuruzi benshi no kutamenya kubara.

Icyumweru cya 7: nshyw Nshyw mby Mby mbyw Mbyw

1



Soma amagambo akurikira.

1. inshywa
2. mpombywa
3. abaririmbyi
4. guhimbywa
5. umukororombya
6. kurumbywa

2



Soma amagambo akurikira.

1. imbyeyi
2. imbyino
3. inyombya
4. abaririmbyi
5. Senshywa
6. gukambywa
7. gusumbywa
8. kurembywa
9. kubyimbywa
10. gucumbywa
11. Nyiranshywa
12. imbyeyi



Soma interuro zikurikira.

1. Uyu mukecuru afite ubwoba bwo kurembywa n'indwara.
2. Ni ngombwa kuvana inshywa muri buri gicuma mbere yo gutangira kugikoresha.
3. Nshimiye arakuba imbyiro ku isafuriya

3



Uhereye ku nkuru wasomewe, uzuza iyi nteruro hanyuma uyandike mu ikaye yawe.

Nyiranshywa yari

4

**Soma agakuru gakurikira:
Gusoma, kwandika no kubara**

Mbyariyehe yari umucuruzi. Ntiyari azi gusoma, ntiyari azi kwandika, ntiyari azi no kubara. Iyo abaguzi baguraga ibicuruzwa bye, ntiyamenyaga amafaranga yo kubagarurira. Iyo incuti ze zamwandikiraga ibaruwa, yajyaga kuyisomesha ku muturanyi we. Mbyariyehe iyo yashakaga kwandikira abaririmbyi, yajyaga kwandikisha mu baturanyi be. Kubera iyo mpamvu, yahoraga asumbywa umutungo n'abaturanyi be, yahoraga kandi ahombywa no kubagarurira amafaranga menshi. Imyaka ye yahoraga irumbywa no kutayitaho. Abana be bahoraga barembywa n'indwara. Mbyariyehe yamaze kurembywa n'ubukene, yiyezea kujya kwiga gusoma, kwandika no kubara. Nyuma y'umwaka umwe, Mbyariyehe yamenye gusoma, kwandika no kubara.



**Tondeka aya magambo ukore interuro
nzima hanyuma uzandike mu ikayi yawe.**

1. n'izuba_ntoryi_kurumbywa_Ndabona_izi_zigiye.
2. n'ubujiji_ahombywa_Nyiranshywa.

5

**Hitamo nshw, mby cyangwa mbyw wuzuze aya
magambo hanyuma uyandike mu ikayi yawe.**

2. kure...a
3. guho...a
4. simpo....a

6

**Ushingiye ku nkuru wasomewe mu ishuri,
hitamo igisubizo nyacyo maze wandike
inyuguti bijyanye mu ikayi yawe.**

- | | |
|--|--|
| <ol style="list-style-type: none"> 1. Nyiranshywa
yahombejwe n'iki? <ul style="list-style-type: none"> a. ubujiji. b. indwara. c.abantu. | <ol style="list-style-type: none"> 2. Abana ba Nyiranshywa
bari bararembejwe n'iki? <ul style="list-style-type: none"> a. indwara. b. ubujiji. c. ibyishimo. |
|--|--|

1

Mukambyeyi, umuhinzi n'umucuruzi w'ibicuma



2



Mukambyeyi yari umuhinzi akaba n'umucuruzi w'ibicuma.

3




Mbere yo gucuruza ibyo bicuma, Mukambyeyi yabanzaga kubyozza neza inshywa yose igashiramo. Yabanzaga kandi kubikuba imbyiro zose zigashiraho.

4




Igihe kimwe izuba riracana, Mukambyeyi abura ibicuma byo gucuruza burundu. Inzuzi ze zose zari zimaze kurumbywa n'izuba na we ubwe atangira kurembywa n'inzara.

5



Nuko Mukambyeyi biramuyobera. Aribaza ati “ariko ubu ngiye guhombywa n’izuba koko?” Areba hakurya areba hakuno, ariko bikomeza kumuyohera.

6



Mukambyeyi amara igihe kinini ategereje ko imvura yakongera kugwa araheba, aherako afata inzira ajya kureba ko hari aho yabona ibicuma byo gucuruza.

7



Mu nzira, Mukambyeyi anyura ku mugore uvomerera ibihaza mu gitondo cya kare, aramwitegerezza ariko abona bigoye cyane arikomereza.

8



Ageze imbere, anyura ku mugore uvomerera inyanya ku mugoroba, aramwitegerezza ariko abona bigoye cyane, arikomereza.

9



Nimugoroba Mukambyeyi yari amaze kunanirwa pe! Nuko aricara aribwira ati "uwagerageza kuvomerera inzuzi z'ibicuma byanje mu gitondo na nimugoroba, umenza nanje nahangana n'iri zuba."

10



Bukeye bwaho azinduka mu museso asubira mu rugo. Nuko kuva ubwo atangira kuvomerera inzuzi ze buri gitondo na buri mugoroba.

11



Mukambyeyi akomeza kujya avomerera uruyuzi rwe.
Nyuma y'igihe gito Mukambyeyi atangira gusarura ibicuma
binini cyane ku ruyuzi rwe.

12

Ibibazo byo kumva inkuru

**Ushingiye ku byo wasomye mu nkuru, subiza ibibazo
bikurikira:**

1. Mukambyeyi yari muntu ki?
2. Byagenze bite kugira ngo Mukambyeyi ahombe ?
3. Nyuma yo guhomba, ni hehe Mukambyeyi yagiye gushakira amaronko?
4. Mukambyeyi yivanye mu gihombo ate?
5. Inkuru irangira ite?
6. Haba hari inyigisho ukuye muri iyi nkuru? Yivuge unasobanure.

13**Fora ndi nde?**

1. Nibera mu gicuma gishyashya. Ni ngombwa kubanza kunkuramo mbere yo gutangira gukoresha igicuma kuko ndarura. Fora ndi nde?
2. Ntuye ku bicu. Ngaragara mu kirere nk'umurongo uhese, nkozwe n'amabara menshi atandukanye. Fora ndi nde?
3. Nsa n'umukara. Ndi umwanda uva ku mubiri iyo umuntu yipyipyinyuye. Fora ndi nde?

lmbyiro

Umukororombya

lisyhywa

14**Sakwe sakwe!**

1. Inka yanje nyikama igenda.
2. Karakuriza karakuruta wa duri we!
3. Bigirankana bya Bigeragezo yikoreye ibyo adashobora kubara.
4. Kuki bagusura ukavuza induru?
5. Kwa Bukoco barakocagurana.

1. Uruyuzi. 2. Akanyagariragiisheo. 3. Umusasti. 4. lmbyiro imoka. 5. urusyo.

1



Soma amagambo akurikira .

1. yarakapfakapfy
2. sincweza
3. ncweze
4. incwabari
5. yahomvomvye
6. ncweracwere

2



Soma interuro zikurikira.

1. Ncweze yahomvomvye kubera ikibazo gikomeye yari afte.
2. Sincweza utaravanamo izo ncwabari.
3. Inka ya Semwishiwa yarakapfakapfy bayiramiza amazi.

3



**Uhereye ku nkuru wasomewe, uzuza iyi
nteruro hanyuma uyandike mu ikaye yawe.**

Umworozi yaribajije ati “.....”

4

Itegereze buri jambo uko usoma aka gakuru.

Akaga ka Nyirancwabari

Umunsi umwe amapfa yarateye, maze umupfakazi Nyirancwabari aribwira ati “reka ncweracwere njye mu ishyamba kurapfarapfa utwo nashyira mu nda”. Asigira inka ye yakapfakapfyе ubwatsi buhagije. Mu gihe yari ahugije mu gushakisha, akubitana n'impongo yahomvomvye kubera urusaku rw'intare. Iyo mpongo yamuciye ho yiruka iramuhutaza maze imupfyigiza ikirenge yikubita hasi. Aribwira ati “reka ncweze noye gutaka, hato iyi mpongo itanyumva ikagaruka ikampfyigiza umubiri wose.” Nyirancwabari akomeza gucweza, kera kabaye arazanzamuka maze atora akabando ke, asindagira asubira mu rugo.



Tondeka aya magambo ukore interuro nzima hanyuma uzandike mu ikayi yawe.

1. ncweracwere reka nahomvomvye nkomeze kuko bihagije.
2. isa ndabona inka banguka n'iyakapfakapfyе kuko yawe.

5

. Hitamo myw, pfy cyangwa ncw wuzuze aya tagambo hanyuma uyandike mu ikayi yawe.

1. yakapfaka...e
2. si...eza
3. ...eracwere
4.eze

6

Hitamo interuro ijyanye n'ibivugwa mu nkuru

“Gaju ihura na Bihogo” uyandike mu ikayi yawe.


1. Mu nkuru, Gaju yahuye na Ncweze.
2. Ibanga rya Gaju ryari uko yari izi gukina umupira w'amagaru.
3. Inkuru yarangiye Gaju irwana na Bihogo.

1

Ncweze n'umuryango we




2



Umunsi umwe, imvura yaraguye maze isenya ivomero umuryango wa Ncweze wavomagaho.

3



Kwa Ncweze bamaze igihe kinini cyane babajwe no kubura amazi meza yo kunywa no gukoresha mu rugo.

4



Inka zabo zari zarakapfakapfye ibyatsibihagije, kubera kubura amazi meza yo kunywa zirahorota.

5



Umugore wa Ncweze abona uko inka zabo zigiye kubagwa mu maso, atangira guhomvomvwa. Yabonaga zitazakira pe!

6



Umwe mu bana ba Ncweze abonye nyina atangiye
guhomvomva, yiruka ajya gutabaza se. Aramubwira ati “tebuka
papa! Tebuka dore mama yahomvomvye kubera inka zacu!”

7



Ncweze amubaza atangaye ati “ni byo?” Umwana ati “ni byo rwose simbeshya.” Ncweze aribwira ati “sincweza ngo nihererane iki kibazo reka ntabaze abaturanyi.”

8



Nuko atangira gutabaza abaturanyi be. Azenguruka ingo zose baturanye abasaba ubufasha, bigeze aho na we atangira guhomvomvwa.

9



Ibyo byose, abana n'umugore wa Ncweze barabirebaga. Nuko baramwegera baramubwira bati "twahomvomvye bihagije, none ahasigaye reka twikemurire ikibazo."

10



Nuko Ncweze arababwira ati "ariko muzi ko ari byo! Aho kugira ngo nkomeze ncweracwere, reka tugerageze kwikemurira ikibazo."

11



Nuko Ncweze, umugore we n'abana be bajya gukora isuku kuri rya vomero, bongera kubona amazi meza.

12

Ibibazo byo kumva inkuru

Ushingiye ku byo wasomye mu nkuru, subiza ibibazo bikurikira:

1. Ni ba nde bavugwa mu nkuru?
2. Ni ikihe kibazo umuryango wa Ncweze wagize?
3. Kubera iki umugore wa Ncweze yahomvomvye?
4. Ni gute umuryango wa Ncweze wikemuriye ikibazo?
5. Iyi nkuru ikwigishije iki?
6. Hari ikibazo cyo kubona amazi no kuyafata neza ubona aho utuye? Watanga izihe nama?

13

Uzuza interuro zikurikira wifashishiye aya magambo: incwabari, yahomvomvye, yakapfakapfyen. Andika interuro ubonye mu ikayi yawe.

1. Ncweze yagiye ku ishuri yambaye maze abandi bana baramuseka.
2. Iyi nka none nyirayo
yabuze amazi yo kuyiha.
3. ageze imbere
y'urukiko kubera uwoba yari afite.

14

Sakwe sakwe!

1. Zenguruka duhure.
2. Biteganye bitazahura.
3. Abakobwa beza baranaga amajosi.
4. Babahaga akabando murwaye iki?
5. Nagutera amazi atemba ajya ruguru.

1. Umukandara. 2. Inkombé z'uruzi. 3. Urugoyi rw'ibishiyimbo. 4. Ibishiyimbo. 5. Umutoqe mu muheha. bisihingirwva.

Icyumweru cya 9: mfw Mfw mvyw Mvyw ryw Ryw

1



Soma amagambo akurikira.

- 1.** aryarywe
- 2.** mpomvomvywa
- 3.** Mfwati
- 4.** yahomvomvywe
- 5.** kuryarywa
- 6.** imfwati

2



Soma interuro zikurikira.

- 1.** Mfwati arahingisha imfwati ku musozi wa Gahomvomvywa.
- 2.** Reka kuryarywa n'uwo muhemu.
- 3.** Ndagomvomvywa no kuba maze iminsi ndyarywa na Mfwati ntabizi.

3



**Uhereye ku nkuru wasomewe, uzuza iyi
nteruro hanyuma uyandike mu ikaye yawe.**

Imbwa ya Semfwati yagiye

4

Soma agakuru gakurikira.

Mfwati yaryarywe na Bakame

Umunsi umwe, Mfwati yagiye guhana kure cyane. Mfwati amaze guhana yikorera amahaho ye maze afata inzira arataha. Agenda amasaha menshi, bigeze aho atura umutwaro w'amahaho hasi, araryama arasinzira. Bakame imukubita amaso iriyamira iti "ugahomvomvywa n'umunaniro bigeze aho Mfwati we! Reka nkakire ayo mahaho." Nuko Mfwati aherezza amahaho ye Bakame. Bakame iti "Mfwati we, komeza ube wiruhukira aho, ngiye kukugereza aya mahaho yawe iwawe mu rugo ngaruke kugutwara, dore urananiwe." Mu mwanya muto, Mfwati abona Bakame irarengana amahaho yayo iyijyanira mu mwobo wayo. Nuko Mfwati ati "yooo! Naryarywe na Bakame sinabimenza! Nakumenye, sinzongera kuryarywa nawe ukundi." Nuko Mfwati asigara yimyiza imoso.



Tondeka aya magambo ukore interuro nzima hanyuma uzandike mu ikayi yawe

1. Semfwati_yakubise_n'ubwoba_atangira_Mfwati_guhomvomvywa_ahita.
2. atakuyobya_kuryarywa_n'uwo_Sigaho_musaza.

5

Hitamo mfw, mwyw cyangwa ryw wuzuze aya magambo hanyuma uyandike mu ikayi yawe.

1. ...ati
2. kurya...a
3. guhomvo...a
4. i....ati


6

Ushingiye ku nkuru wasomewe mu ishuri, hitamo igisubizo nyacyo maze wandike inyuguti bijyanye mu ikayi yawe.


- | | |
|--|-----------------------------------|
| 1. Semfwati yari atuye ku musozi witwa gute? | 2. Semfwati yahomvomvywaga n'iki? |
| a. Gahomvomvywa | a. kuba wenyine. |
| b. Gahomvomvwa | b. kubura imbwa ye. |
| c. Gahomvomvyne | c. gutinya abajura. |

1

Mfwati na Bakame



2



Kera habayeho umugabo witwaga Mfwati.


Mfwati uwo, yari umuhinzi wa karoti.

3



Umunsi umwe, Mfwati yarazindutse afata isuka maze ajya gusarura karoti yari yejeje, mu macyamo. Agenda atekereza ku buryo karoti ze azazigurisha akagura igare.

4




Mfwati ageze mu murima we, asanga karoti ze baraye bazibye. Nuko atangira gusakuza no guhomvomvywa no kutamenya uwamwibye.

5




Kuva ubwo, Mfwati yiyemeza kujya arara muri uwo murima.
Bugiye gucyu, Mfwati abona Bakame irimo ikura karoti
yifashishije isuka ya majagu.

6




Mfwati yomboka buhoro buhoro kugeza ageze kuri Bakame.
Nuko arayifata, arayizirika, ayibaza impamu ikura karoti zitari
izayo.

7




Bakame ihita itaka cyane iti “yebabaweee! Nagize ngo uyu murima ni uwanjye. Mbabarira njye kukwishiura karoti zawe mu murima wanjye uri hano hirya.”

8



Mfwati ati “oya ndakuzi uri indyarya, urabeshya, sinkeneye kuryarywa na we.” Ariko Bakame ikomeza guhomvomvywa n’ubwoba kugeza ubwo Mfwati yemeye kuyirekura.

9



Nuko Bakame ijya imbere, Mfwati arayikurikira. Bakame iteye intambwe ebyiri, isimbukira mubihuru byari aho hafi, yihishamo.

10



Mfwati ahita yirara muri ibyo bihuru kuyishakiramo. Yamaze umunsi wose ayishaka ariko Bakame yo yari yagiye nk'ejo.

11



Mfwati abura Bakame atyo! Aribwira ati “urabona ngo ndyarywe na Bakame koko!” Aherako yi yemeza gukomeza kurarira umurima we.

12

Ibibazo byo kumva inkuru

Ushingiye ku byo wasomye mu nkuru, subiza ibibazo bikurikira:

1. Ni bande bavugwa muri iyi nkuru ?
2. Mfwati yari muntu ki?
3. Byagenze bite ubwo Mfwati yasangaga Bakame mu murima we?
4. Ni hehe Bakame yacikiye Mfwati?
5. Ni irihe somo Mfwati yakuye kuri Bakame?
6. Wowe se hari icyo wungukiye kuri iyi nkuru? Kivuge kandi usobanure.

13

Uzuza interuro zikurikira wifashishije aya magambo:

1. imfwati
2. yaryarywe
3. ahomvomvywa.

Andika interuro ubonye mu ikayi yawe.

1. Semfwati na bakame.
2. zanje zimfasha mu mirimo itandukanye y'ubuhinzi.
3. Umujura bamubwiye kwisobanura..... n'isoni z'abari bamuri iruhande.

14

Sakwe sakwe!

1. Hakurya mu gihuku.
2. Mugongo mugari mpekera abana.
3. Nyiramakangaza ngo mutahe.
4. Nagutera umugabo uhinga ntasarure.

1. Ikiizu kitagira abantu. 2. Igitannda. 3. Imbehe ku rugi. 4. Imbaragaasa.

Isuzumabumenyi



1. Soma amagambo akurikira.

- | | | |
|------------------------|--------------------------|----------------------------|
| 1. inshyi | 2. nshushanye | 3. nshwekure |
| 4. gushyushywa | 5. ntyariza | 6. indyoshyandyo |
| 7. injwengegeri | 8. aranshwiragiza | 9. winsyigingiza |
| 10. imfwati | 11. kurumbywa | 12. imbyiro |
| 13. inshywa | 14. gukarishywa | 15. kumvwa |
| 16. incyamuro | 17. gukarabywa | 18. arampyipyinyura |
| 19. impwempwe | 20. ncweracwere | |



2. Soma interuro zikurikira.

- 1.** Nshimiye yaranshwaratuye kuko nari namukubise inshyi eshatu.
- 2.** Mu gitи cy'iwacu haba inkware nyinshi cyane.
- 3.** Uyu mugabo arahomvomvywa n'ubuhemu bwe.
- 4.** Ibi bishyimbo bigiye kumywa n'izuba kubera kutavomererwa.
- 5.** Sincweza ntamenye impamvu inka zanjye zakapfakapfye.



3. Tondeka iyi migemo ukore amagambo maze uyandike mu ikayi yawe.

- | | | |
|-----------------------|----------------------|-------------------------|
| 1. rywa - ku - rya | 6. yi - mbye - i | 11. mwi - u - shywa |
| 2. ncyu- ro - i | 7. si - i - mpyi | 12. mfwā - se - ti |
| 3. ru - mpwe - i - me | 8. shyu - nshyu - i | 13. ndyu - ho - me |
| 4. ba - ki - njwa | 9. za - i - nt yo | 14. ju - ku - bywa - ju |
| 5. bi - ndya - i - ti | 10. ncyu - si - mvwa | 15. ya - rywe - rya |



4. Tondeka aya magambo ukore interuro maze uzandike mu ikayi yawe.

1. za - loka - zarakapfakapfyē - Ncweze.
2. Nyirinkwāya - inshyushyū - mu - aranywera - gikari.
3. Senjwiri - kwinjwa - yanze - no - n'abahemu - kuryarywa.
4. maze - Bamufatiye - atangira - mu - cyuho - guhomvomvwa.
5. n'ubujiji - yahombywaga - Nyiranshywa - bwe.



5. Uzuza amagambo akurikira, wifashishije kimwe mu bihekane wize muri iki gihembwe. Andika amagambo ubonye mu ikayi yawe.

- | | | |
|----------------------|---------------------|--------------------|
| 1. Rwi.....avu | 6. guse.....a | 11. si....eza |
| 2. ara.....ibuje | 7. umukororo....a | 12. urahomvo.....a |
| 3. ara.....ipfinyuye | 8. yarakapfaka....e | 13. Se....ati |

Imbonerahamwe y'ibihekane bijizwe mu mwaka wa 3, igihembwe cya 1.

nshy	nkw	nsh	njw	ndy	nty
inshyimbo	inkware	Nshimiye	injwiri	indyoshyandyo	intyabire
mphy	mpw	nsy	mvw	bwy	ncy
imphyiko	impwerume	insyo	kumvwa	gukarabywa	incyamuro
shyw	nshw	myw	nshyw	mbyw	pfy
umwishywywa	yanshwaratuje	kumywa	inshywa	kurembywa	yakapfakapfy
mvy	ncw	mfw	mvyw	ryw	
yahomvomvye	ncweraclwere	imfwati	urahomvomvwywa	kuryarywa	

Igihembe cya 2

Icyumweru cya 1: Isubiramo ry'ibizwe mu gihembwe cya mbere

1



Umwitoto 1: Soma amagambo akurikira.

- | | | |
|----------------|---------------|------------------|
| 1. Semwishiwa | 2. inshingano | 3. Mpyature |
| 4. gukarabywa | 5. ncweze | 6. yanshwaratuye |
| 7. Nyirambyeyi | 8. inshishi | 9. guhomvomvwa |
| 10. koshhya | 11. kurumywa | 12. sincymvwa |



Umwitoto 2: Soma interuro zikurikira.

1. Nshunguyinka yasanze inshishi mu nzu y'inkwatu ze arazirukana.
2. Ncweze yanshwanyagurije imyenda ihinduka incwabari.
3. Mfwati arahomvomvywa no kubura inshyushyu.



Umwitoto 3: Soma mwandiko ukurikira

Ibihembo bishimishije

Twari mu ishuri tumaze kwiga isomo ry'Ikinyarwanda, maze tubona umuyobozi w'ikigo arinjiye. Tumaze kumusuhuza aratubwira ati "mbazaniye inkuru nziza, ngaho nimwiyumvire: ikigo cyacu ni cyo cyatoranyijwe guhagararira ibindi mu mikino ngororamubiri, izahuza abana bo mu bihugu by'Afurika y'Iburasirazuba. Duhanzwe amaso n'igihugu cyose, ubu hari abatoza boherejwe n'ubuyobozi bw'Akarere kacu ngo badufashe kuryitegura." Koko rero, imyiteguro yahise itangira. Umwana twigana witwa Sugira aba ari we werekana ubuhanga buhanitse. Igihe cyarageze yurira indege aherekewe n'umwarimu wacu. Agezeyo, yitwara neza, yegukana umwanya wa mbere. Yahembwe umudari wa Zahabu n'ibindi bihembo bishimishije ku buryo ubu agenda ku igare yivaniyeyo.

Bifatiye kuri BAKAME Edition (2010), Ikinyarwanda: Igitabo cy'ikibonezamvugo cy'amashuri abanza n'ayisumbuye, urupapuro rwa v.

2



Umwitoto wa 1: Soma agakuru gakurikira.

Sinzongera kuryamira

Musoni yagiraga ingeso yo kuryamira. Umunsi umwe, izuba rimurasiraho akiryamye, nuko abaduka yiruka, yihumura mu maso ajya ku ishuri. Hari mu gihe cy'ibizamini bisoza igihembwe cya mbere. Ageze ku ishuri asanga abandi banyeshuri barangije ikizamini cya mbere. Ibyo byatumye agira amanota mabi cyane, maze aba uwa nyuma.

Abanyeshuri bose baramuseka, umwarimu n'ababyeyi be baramugaya cyane. Kuva ubwo, Musoni aribwira ati "guhera ubu, sinzongera kuryamira." Musoni atangira kwigana umwete, mu gihembwe gikurikiyeho, Musoni agira amanota meza cyane.



Umwitoto 2: Tondeka aya magambo ukore interuro zumvikana hanyuma uzandike mu ikayi yawe.

1. kugura Nyanshya Rwinkwavu Nshimiye inshyushyu na bagiye i.
2. ibihingwa Mpyorero kubagara ye incyamuro yajyanye .

3



1. Cisha urutoki mu nyuguti zikurikira
hanyuma uzandukure unoza mu ikayi yawe.

a o m n r

A O M N R



2. Andika mu mukono amagambo atatu
yiganjemo izi nyuguti (a o m n r).



3. Soma amagambo n'interuro bikurikira.

amara arore Ama

amata ararora Rora



4. Andukura amagambo n'interuro bikurikira
mu ikayi yawe unoza.

a. Rara Rarama Rora

b. Marara ararana na Marina.

c. Ana arara arira.

4



1. Cisha urutoki mu nyuguti zikurikira
hanyuma uzandukure unoza mu ikayi yawe

d g c e u

D G C E U



2. Andika mu mukono amagambo atatu
yiganjemo izi nyuguti (d g c e u).



3. Soma amagambo n'interuro bikurikira.

Domina Ema Garu

Urareba Ndora na Ema mu gacaca?

Maga adoda amagodora.



4. Andukura interuro zikurikira mu ikayi
yawe unoza.

a. Mugarura aragura urudodo.

b. Dore umugano muremure.

5



1. Cisha urutoki mu nyuguti zikurikira hanyuma uzandukure unoza mu ikayi yawe.

l t i h f

L T I H F



2. Andika mu mukono amagambo atatu yiganjemo izi nyuguti (l t i h f).



3. Soma amagambo n'interuro bikurikira.

Juru Liberata

Higiro aratera ibiti mu murima wa Temahagari.

Furaha ari hafi ya Imena.



4. Andukura interuro zikurikira mu ikayi yawe unoza.

a. I Jari hari umunara wa Radiyo Rwanda.

b. Hitimana atahane na Liberata.

6



1. Cisha urutoki mu nyuguti zikurikira hanyuma uzandukure unoza mu ikayi yawe.

s y h p b

S Y H P B



2. Andika amagambo atatu yiganjemo izi nyuguti (s y h p b).



3. Soma amagambo n'interuro bikurikira.

Huye Sangano Igiraneza Yankurije

Birori na Mahoro bagiye i Shyanda.

Papiyasi na Yohani ni abana bubaha.



4. Andukura amagambo n'interuro bikurikira mu ikayi yawe unoza umukono.

Byimana Perusi Bahati

a. Sigaho gusya ibigori bitumye.

b. Yakobo na Piyo batuye i Samuduha.

7



1. Cisha urutoki mu nyuguti zikurikira hanyuma uzandukure unoza mu ikayi yawe.

k v w z K V W Z



2. Andika amagambo atatu yiganjemo izi nyuguti (d g c e u).



3. Soma amagambo n'interuro bikurikira.

Inkwavu kuwuzwa guhovwa
Kakuze na Vanesa baruye muri Tanzaniya.
Wiriymu na Zahara bahuriye kuri Zoko.



4. Andukura interuro zikurikira mu ikayi yawe unoza.

- a. Kubeshya no kwiba ni zimwe mu ngeso mbi.
- b. Shyaka na Nshimiye barasarura ingano.
- c. Vuguziga, Kankwanzi na Wihogora biga i Zaza.



Soma amagambo n'interuro bikurikira.

1. Semfwati
 2. intyabire
 3. indyarya
 4. kumvwa
 5. kuyobywa
 6. inshywa
 7. guhomvomvywa
 8. guhombywa
 9. yaranshwaratuye
 10. intyoza
 11. injwiri
 12. yakapfakapfye
- a) Urahomvomvywa n'iki?
- b) Umusatsi w'injwiri urushya kuwusokoza.

1



a. Koresha amagambo akurikira mu nteruro:

1. kumwenyura
2. ikiziba
3. bamushungereye



b. Hitamo interuro zijyanye n'ibyabaye kuri Nyiramana mu nkuru "Incuti magara", hanyuma uzandike mu ikayi yawe.

1. Nyiramana afite imyaka icumi.
2. Nyiramana abana na nyina Mukankusi.
3. Nyiramana yigana na Simoni na Mukamisha
4. Incuti y'amagara ya Nyiramana ni Makuza.

2



1. Andukura izi nyuguti mu ikayi yawe
hanyuma ushake amagambo 3 ziganjemo.

a o m n r A Ø M N R



2. Andika amagambo akurikira mu mukono
mu ikayi yawe.

1. Mama 2. Amani 3. omora 4. ararora



3. Andika iyi nteruro mu ikayi usimbuza
ijambo riciyeho akarongo irindi bivugwa
kimwe.

1. Mpereza iyo ndyankwi njye gusenya inkwi duteke
ibishujimbo.
2. Nyiramana yanejejwe no kubona incuti ye y'amagara.



4. Andika aya magambo mu ikaye,
wifashishihe akambi, huza buri jambo n'iryo
bivuga kimwe.

kwishima

kumwenyura

guseka

gucudika

kurya

kunezerwa

gukundana

gufungura

imvugakimwe

impuzanyito

3



Ifashishe buri jambo muri aya, maze ukore interuro hanyuma uzandike mu ikayi.

1. incuti magara
2. uguhangayikira
3. turasabana



Uhereye ku nkuru wasomewe, uzuza iyi nteruro hanyuma uyandike mu ikayi.

Nyiramana ntabwo yari azi incuti magara ye iyo ari yo.
Hanyuma

4



Ifashishe amagambo akurikira, wandike agakuru kagufi k'ubucuti.

1. incuti
2. guseka
3. kwishima
4. gukundana
5. gusabana
6. gushimira

5



Soma interuro zikurikira witonze hanyuma utoranyemo izihuye n'ibivugwa mu nkuru “Incuti magara” uzandike mu ikayi yawe.

1. Incuti magara ntishobora kugutenguha.
2. Incuti nyancuti ushobora kuyubitsa ibanga.
3. Si byiza gucudika n'umuturanyi.

6



Ushingiye ku byo wasome mu nkuru “Incuti yanje”, soma ibibazo bikurikira wandike ibisubizo mu ikayi.

1. Byiringiro na Niyoncuti bahuriye he? Icyo gihe bakoraga iki?
2. Ni iki kigaragaza ko Byiringiro na Niyoncuti ari incuti?

7



Soma iyi ntangiriro y'inkuru utekereze ku buryo wayuzuza maze uyandike mu ikayi yawe

Umunsi umwe, Kamana na Karara bari bagiye ku ishuri.
Bageze mu nzira

1

Incuti yanje



2



Muraho, nitwa Byiringiro. Mfite imyaka icyenda kandi nishimira kugira incuti cyane. Incuti ni nziza mu buzima. Zifatanya nanjye mu byishimo cyane cyane ku isabukuru yanje y'amavuko. Iyo mbabaye na bwo ziza kumpumuriza.


3



Mu biruhuko bishize, nabonye incuti nshya. Iyo ncuti, yitwa Niyoncuti. Twahuriye mu masomo ya nimugoroba twigira kwa mwarimu Nsengiyumva


4

Ishuri




Niyoncuti nanjye, twiga mu bigo bitandukanye ariko ibyo bigo biregeranye. Abanyeshuri b'ibigo byacu byombi bakunze guhurira mu mikino no mu marushanwa yo gusoma no kwandika ndetse n'imibare.

5



Twembì, twiga mu mwaka wa gatatu. Niyoncuti atsinda cyane Ikinyarwanda kurusha ibindi, ariko ngyewe ntsinda imibare cyane.

6



Rimwe na rimwe, ngira ingorane mu gukora imikoro yo mu rugo y'isomo ry'Ikinyarwanda. Niyoncuti na we ajya agira ingorane mu gukora imikoro yo mu rugo y'imibare.

7




Jye mufasha gukora imikoro ikomeye y'imibare, na we akamfasha gukora imikoro ikomeye y'lkinyarwanda. Twembali twungurana ubumenyi kandi byatumye turushaho kuba abahanga mu mashuri twigamo.

8



Iyo turi kumwe, dukunda gukina imikino myinshi. Dukina umupira w'amaguru, ubundi tugakina kwihihana. Antumira kenshi mu birori by'iwabo kandi nanje iyo iwacu habaye umunsi mukuru simwibagirwa. Ubucuti bwacu bwatumye n'ababyeyi bacu bamenyana na bo baba incuti.

9



Niyoncuti, narangiza kwiga arifuza kuzaba umunyabukorikori, akajya yihangira imirimo. Naho jyewe, ndifuza kuzaba umuganga. Tuzabigeraho kuko dufite ubushake.

10

Ibibazo byo kumva inkuru

**Ushingiye ku byo wasome mu nkuru,
subiza ibibazo bikurikira:**

1. Ni ba nde bavugwa muri iyi nkuru?
2. Ni ryari Byiringiro yabonye incuti nshya?
3. Ni iki gitandukanya Byiringiro na Niyoncuti?
4. Ni gute abo bana babiri buri wese afasha undi?
5. Ni gute inkuru irangira ?
6. Ujya wegera bagenzi bawe ngo mufatanye gusobanukirwa n'amasomo? Vuga uko mubyitwaramo



Soma amagambo n'interuro bikurikira.

- | | | |
|--------------|----------------|-------------------|
| 1. inshywa | 2. yahomvomvye | 3. imfwati |
| 4. inshyi | 5. intyoza | 6. impyisi |
| 7. kuryarywa | 8. impwempwe | 9. kumvwa |
| 10. kwinjwa | 11. Ncweze | 12. yanshwaratuye |

- a) Jya wirinda kwinjwa no kuryarywa n'abantu b'indyarya.
 b) Kuba intyoza mu kuvuga bituma abo ubwira bakumva
 bashishikaye.

1



a. Andika interuro 3 ukoresheje amagambo akurikira:

1. bucura 2. ikinyabupfura 3. ibihaza



b. Hitamo interuro zижanye n'ibivugwa mu nkuru "Uko Mahoro yize ikinyabupfura," uzandike mu ikaye yawe

1. Ubwo se wa Mahoro yamusabaga kujya kugaburira ihene n'inkoko, Mahoro yahise ajyayo yihuta.
2. Ubwo nyina wa Ndahayo na Muneza yabasabaga kujya gufasha se gusarura ibihaza, bahise bihitira kuuyayo.
3. Nyuma yo kwanga gufasha abandi inshuro nyinshi, Mahoro yafashe igithe cyo kwitekerezaho no guhindura imico ye.

2



1. Andika izi nyuguti mu ikayi yawe hanyuma wandike amagambo 3 ziganjemo.

d g c e u

D G C E U



2. Andika mu mukono mu ikayi yawe amagambo n'interuro bikurikira.

Ndori umucanga

Cacana aradoda amagodora.



3. Simbuza imbusane y'ijambo riciyeho akarongo. Hanyuma wandukure interuro wabonye mu ikaye yawe.

1. Uyu **mugore** afite amafaranga menshi cyane.

2. Genda wihuta **uzamuke** uriya musozi imvura itaragwa.



4. Andukura aya magambo wifashishije akambi gahuza buri jambo n'imbusane yaryo.

se

kugurisha

kugura

kibi

umuhungu

nyina

cyiza

umukobwa

ubushyuhe

ubukonje

3



Kora interuro eshatu wifashishije amagambo akurikira. Uzandike mu ikayi.

1. ikinyabupfura

2. gusuzugura

3. gufasha



Uhoreye ku nkuru, uzuza iyi nteruro hanyuma uyandike mu ikaye.

Uko ni ko Mahoro yize

4



Wifashishiye amagambo akurikira andika mu ikaye agakuru kagufi ku kinyabupfura.

1. ikinyabupfura
2. gushimira
3. kwitwararika
4. gufasha
5. kubaha
6. kwitaho

5



Soma interuro zikurikira witonze hanyuma uvuge “yego” cyangwa “oya”. Andika izo nteruro mu ikayi yawe.

1. Si ngombwa kubaha ababyeyi n'abaturera.
2. Ikinyabupfura ni umuco mubi cyane.
3. Imfura yubahiriza amasezerano.

6



Ushingiye ku byo wasomye mu nkuru “Munganyinka yahinduye imyifatire,” subiza ibibazo bikurikira wandike ibisubizo mu ikayi .

1. Murerwa na Munganyinka bari bahuriye ku ki? Bari batandukaniye ku ki?
2. Munganyinka byamugendekeye bite mu mpera y'iyi nkuru?

7



Soma iyi ntangiriro y'inkuru utekereze ku buryo wayuzuza maze uyandike mu ikayi yawe

Buri gihe iyo Mahoro

.....

.....

.....

1

Munganyinka yahinduye imyifatire



2



Murerwa na Munganyika ni impanga. Ku isura, barasa cyane ku buryo abantu bashobora kubitiranya. Nyamara imyifatire yabo iratandukanye cyane.

3



Ku ishuri, Munganyinka yari azwiho kuba inkubaganyi kandi nta kinyabupfura yagiraga. Iyo yakosaga, ntiyashoboraga gusaba imbabazi. Ntiyashoboraga kandi gushimira umugiriye neza. Murerwa we ariko, yari azwiho kuba umwana wubaha, ufile imico myiza.

4



Igihe kimwe, ku ishuri bashatse gutora umunyeshuri wahagararira abandi. Yaba Munganyinka, yaba Murerwa, bombi biyamamariza uwo mwanya.

5



Nyuma y'amatora, abanyeshuri bose bari bafite amatsiko yo
kumenya uwatowe.
Fora hatowe nde?

6



Nuko umuyobobi w'ikigo aratambuka, yigira ahirengeye,
atangaza uwatsindiye guhagararira abandi banyeshuri. Aravuga
ati "umunyeshuri watsinze ni Murerwa Mariya."

7



Abanyeshuri bose bakomera amashyi icyarimwe. Nuko basubiramo bishimye baririmba bati “Murerwa! Murerwa! Murerwa!”

Munganyinka abibonye, araceceka, aratuza.

Mu mutima we, yatekerezaga impamvu Murerwa atsinze. Maze Munganyinka atera agatoki hejuru asaba kugira icyo avuga, aratambuka ajya imbere. Bose bibazaga icyo Munganyinka agiye kuvuga.

8



Munganyinka ageze imbere arahindukira areba abanyeshuri maze ababwira mu ijwi rituje ati “banyeshuri bavandimwe, mpagaze hano kugira ngo mbashimire uburyo mwashishoje mu gutora Murerwa ngo ajye aduhagararira. Mboneyeho akanya ko kumushimira.”

Ibibazo byo kumva inkuru

9

**Ushingiye ku byo wasomeye mu nkuru,
subiza ibibazo bikurikira:**

1. Ni ba nde bavugwa muri iyi nkuru?
2. Ni iki cyatandukanya abo bana bombi, Murerwa na Munganyinka?
3. Ni nde watsinze mu matora y'umunyeshuri uhagarariye abandi? Kubera iki?
4. Ni gute Munganyinka yitwaye abonye ko amaze gutsindwa mu matora?
5. Iyi nkuru ikwigishije iki?

10

Sakwe sakwe!

1. Nagutera ikjengajenge igihumbirajana wakimenya nkaguhemba.
2. Abana banjye bangana bose.
3. Mfite umugozi ntiwawusenyera ngo uwuzuze.
4. Abana banjye bikwije impindu.

Icyumweru cya 4: Uburenganzira n'inshingano by'abana



Soma amagambo n'interuro bikurikira.

- | | | |
|------------------|-----------------|------------|
| 1. uburenganzira | 2. inshingano | 3. imyenda |
| 4. kwishima | 5. umuryango | 6. ikirere |
| 7. ingirakamaro | 8. nimutwigishe | 9. inzara |
| 10. amashyamba | 11. ntibisanzwe | 12. umwana |

Uburenganzira n'inshingano z'umwana bihera mu muryango arererwamo.

1



a. Hitamo interuro zijiyanje n'uburenganzira bw'abana uyandike mu ikaye.

1. Umwana w'umukene nta burenganzira afite bwo kwiga.
2. Umwana wese afite uburenganzira bwo kurererwa mu muryango.
3. Abana bemerewe kuvuga ibyifuzo byabo.
4. Umwana wese afite uburenganzira bwo kuvuzwa.



b. Hitamo interuro zijiyanje n'ibivugwa ku nshingano z'abana mu mwandiko uyandike mu ikaye.

1. Umwana wese afite inshingano yo gufata neza ibikoresho byo mu ishuri no mu rugo.
2. Umwana nta nshingano agira.
3. Umwana wese afite inshingano yo kugira ikinyabupfura no kubaha abantu bose.

2



1. Andika izi nyuguti mu ikayi yawe hanyuma wandike amagambo 3 ziganjemo.

l t j i f

L T J Ð F



2. Andika mu mukono mu ikaye interuro ikurikira.

Jeraridina arakora umukoro mu rugo.



3. Uzuza interuro zikurikira ukurikije amagambo yatanzwe maze uzandukure mu ikaye.

a) kurira b) ibitekerezo c) amarira d) kubaza e) imirimo

1. Nimuhoze abana, mubarinde.....

2. Abana bemerewe ibyo batumva.

3. Abana bafite uburenganzira bwo kuvuga byabo.

4. Abana bagomba kurindwa ivunanye.

3



1. Kora interuro ebyiri ukoresheje ibisobanuro bibiri bitandukanye bya buri jambo mu magambo akurikira.

1. gushima 2. inkoko 3. ikirere 4. isoko



2. Andika uyu mwandiko maze ugende wuzurisha ahari utudomo amagambo akwiye (mukoro, arwaye, akabafasha, Mutoni, ishuri)

Mutoni ni umwana w'emyaka icyenda. Mutoni yubaha ababyeyi be cyane kandi mu murimo inyuranye. Mbere yo kujya ku....., abanza gukubura mu rugo no ku muharuro. Ababyeyi ba na bo bamwitahobihagiye. Iyo baramuvuza, bamufasha mu wo mu rugo n'ibindi n'ibindi.

4



Koresha amagambo akurikira uhimbe agakuru gato ku burenganzira bw'abana n'inshingano zabo, hanyuma ukandike mu ikaye.

- | | | |
|---------------|------------|-------------|
| 1. inshingano | 2. gushima | 3. urukundo |
| 4. inzara | 5. isi | 6. ababyeyi |

5



**Ukurikije ibivugwa mu nkuru
“Uburenganzira n'inshingano by'abana.”
hitamo igisubizo gikwiye ucyandike mu ikaye.**

- 1. Mu burenganzira bw'abana harimo:**
 1. Kurererwa mu muryango.
 2. Kujuanwa mu ntambara.
- 2. Mu nshingano z'umwana harimo:**
 1. Gufata neza ibikoresho by'ishuri.
 2. Guhinga no korora amatungo.

6



Ushingiye ku byo wasomye mu nkuru “Incuti eshatu n'udukwavu dutatu”, soma ibibazo bikurikira wandike ibisubizo mu ikayi .

1. Vuga amazina y'abantu n'inyamaswa bivugwa muri iyi nkuru?
2. Ni iki cyatumye Manzi na Cyizere bahindura uburyo bafataga udukwavu twabo?

7




Soma iyi ntangiriro y'inkuru utekereze ku buryo wayuzuza maze uyandike mu ikayi yawe

Umwana afite uburenganzira bwo

1

Incuti eshatu n'udukwavu dutatu



2



Habayeho incuti eshatu, Manzi, Cyizere na Teta. Abo bana uko ari batatu, bagiye ku isoko kugura udukwavu two korora. Agakwavu ka Manzi kitwaga Byatsi. Agakwavu ka Cyizere kitwaga Kimuri, naho agakwavu ka Teta ko kakitwa Matwi.

3



Umunsi umwe, utwo dukwavu twashatse aho turyama ngo dusinzire. Nuko Manzi afata agakwavu ke kitwaga Byatsi, agashyira mu kazu, agafubika akaringiti gato. Cyizere we, afata agakarito gashaje kacitse, ashyramo akaringiti kacikaguritse maze afubika ka gakwavu ke kitwa Kimuri. Naho Teta we, afata ka gakwavu ke Matwi, agasasira neza, akorosa uburingiti bwiza bushyushye.

4



Twa dukwavu twaje kugira inzara n'inyota. Nuko Manzi ajya gushaka amashu na karoti aherezza agakwavu ke, ariko yibagirwa kugaha amazi yo kunywa. Cyizere we, aha agakwavu ke amazi nyamara yibagirwa kugaha imboga. Naho Teta we, ashaka amashu na karoti bitoshye hamwe n'amazi meza abiha agakwavu ke.

5



Nyuma yaho, twa dukwavu dutatu, Byatsi, Kimuri na Matwi twashatse gukina no kwidagadura. Manzi yibagirwa kurekura agakwavu Byatsi. Cyizere we, ntiyabona umwanya uhagije wo gukina n'agakwavu ke. Naho Teta we, ku mugoroba nyuma yamasomo yakinaga n'agakwavu ke Matwi, maze kakishima cyane.

6



Umunsi umwe, Manzi, Cyizere na Teta baganira ku dukwavu twabo. Nuko Manzi aravuga ati "agakwavu kanje, ntabwo kishimye. Karicara kakigunga kandi nkabona kababaye." Cyizere na we ati "nanje, agakwavu kanje kanze kurya no gukina." Naho Teta we, aravuga ati "agakwavu kanje, nta kibazo gafite, kuko karya neza, karyama neza kandi kagakina neza."

7



Manzi na Cyizere bataha batekereza kuri Teta n'agakwavu ke. Bibaza impamu udukwavu twabo Byatsi na Kimuri twari tubabaye, naho agakwavu Matwi ko kagahora kishimye. Nuko biyemeza kujya kwa Teta kureba uko agakwavu Matwi kari kabayeho.

8



Manzi na Cyizere babona agakwavu Matwi kari mu buriri bushashe neza, karya ibiryo byiza, kanywa amazi meza. Babona kandi Teta akina n'agakwavu ke.

9



Kuva icyo gihe Cyizere na Manzi basobanukirwa n'uko bagomba gufata neza udukwavye twabo. Nuko bakajya badusasira neza, bakatugaburira amazi meza n'ibyatsi byiza.

10

Ibibazo byo kumva inkuru

**Ushingiye ku byo wasome mu nkuru,
subiza ibibazo bikurikira:**

1. Ni ba nde bavugwa mu nkuru?
2. Ni iki incuti eshatu zaguze ku isoko?
3. Ni gute buri wese yitaga ku gakwavye ke?
4. Byagendekeye bite twa dukwavye dutatu?
5. Iyi nkuru irangira ite?
6. Ujya ugisha inama bagenzi bawe cyangwa ukabareberaho kugira ngo urusheho gutunganya ibyo ukora? Niba ari yego, vuga inama bakugiriye cyangwa icyo wabungukiye. Niba ari oya, vuga icyo wumva wagishaho inama.



Soma amagambo n'interuro bikurikira.

- | | | |
|----------------|-------------|------------------|
| 1. abanyeshuri | 2. ibirunga | 3. urugendoshuri |
| 4. asanzwe | 5. Mucyo | 6. igikorwa |
| 7. yahimbye | 8. amahirwe | 9. intwari |
| 10. indirimbo | 11. Rwanda | 12. cyanjye |

a) Mu rugendoshuri Mucyo yahimbye indirimbo yo kurata ibyiza by'u Rwanda.

b) Abanyeshuri na bo bashobora gukora ibikorwa by'ubutwari biri ku kigero cyabo.

1



1. Hitamo interuro zijiyanje n'ibivugwa kuri Mucyo mu mwandiko "Nkunda igihugu cyanjye", hanyuma uzandike mu ikaye yawe.

1. Mwarimu wa Mucyo yitwaga Mugabo.
2. Mucyo n'abana biganaga, binjiye mu modoka bazi neza aho bagiye.
3. Mucyo yakomeje kwibaza igikorwa cy'ubutwari yakorera igihugu cye. Mucyo yagize ubwoba bw'ingagi.
4. Mucyo yiyemeje guhimba indirimbo ivuga ibyiza bitatse u Rwanda.



2. Andika interuro ukoresheje amagambo akurikira:

1. ubutwari
2. ibikorwa
3. kwitangira
4. abandi

2



1. Andika izi nyuguti mu ikayi yawe hanyuma wandike amagambo 3 ziganjemo.

s y h p b

S Y H P B



2. Andika mu mukono mu ikayi interuro ikurikira.

Abarimu bacu badutoje gukorera igihugu cyacu.



3. Kora interuro ebyiri ebyiri ukoresheje ibisobanuro bibiri bitandukanye bya buri jambo mu magambo akurikira, hanyuma uzandike mu ikaye yawe.

1. gutera
2. gusoma
3. inzobe
4. imigozi

3



1. Andika izi nteruro mu ikaye yawe wuzurisha amagambo akurikira ahari utudomo:

- a) ingagi b) indirimdo c) intwari d) ibirunga e) kumwenyura

1. Mucyo yitegereje ibyo yabonaga maze atangira
2. Abanyeshuri bose batashye baririmba.....Mucyo yabigishije.
3. Abanyeshuri bose bifuzaga kwifotozanya n'.....
4. Ku munsi w'....., abanyeshuri bavuze imivugo n'indirimbo.
5. Babonye ingagi muri pariki y'.....



2. Uhoreye ku bivugwa mu nkuru “Nkunda igihugu cyanjye”, andika interuro eshatu uvuga ibintu bitandukanye abana babonye mu rugendoshuri.

4



Koresha amagambo akurikira uhimbe agakuru ku gukunda igihugu.

1. Kurwanya isuri
2. Isuku
3. amahoro
4. Umutekano
5. ibidukikije
6. umurimo

5



Andika mu ikayi uyu mwandiko wuzurisha ahari utudomo amagambo utoranyije muri aya akurikira:

- 1) mukerarugendo
- 2) pariki y'ibirunga
- 3) gutembera
- 4) imivugo
- 5) gusura
- 6) imodoka
- 7) Mugabo
- 8) ubutwari

U Rwanda ni igihugu gitatswe n'ibyiza byinshi. Kubera iyo mpamvu, babakunda kuza imisozi, imigezi, amashyamba tutibagiwe nakuko ibamo ingagi zitaba ahandi. Umunsi umwe, mwarimu yatumijeyo gutwara abanyeshuri be, nuko bajya gusura ingagi. Bose barishima, ku buryo biyemeje guhimba itaka ibyiza by'u Rwanda.

6



Ushingiye ku byo wasome mu nkuru “Dukunda igihugu cyacu”, soma ibibazo bikurikira wandike ibisubizo mu ikayi.

1. Muhire na Mahirwe bari batoranyirijwe kujya gukora iki kuri sitade Amahoro?
2. Vuga ibintu bitatu bigaragara mu muvugo wa Muhire na Mahirwa biranga gukunda igihugu.

7



Soma iyi ntangiriro y'inkuru utekereze ku buryo wayuzuza maze uyandike mu ikayi yawe.

Kuko nkunda igihugu cyanjye.....
.....
.....

1

Dukunda igihugu cyacu




2



Umunsi umwe, hari habaye umunsi wo kwizihiza ubwigenge bw'igihugu. Ibirori byari byabereye kuri Sitade Amahoro. Muhire na Mahirwe bari batoranyijwe ku ishuri ryabo kujya guhagararira abandi bana muri ibyo birori.

3



Nuko igihe kigeze, Muhire na Mahirwe baratambuka bajya ahateguwe. Bari bambaye neza, bacyeye. Batangira kuvuga umuvugo wabo mu ijwi ryiza riranguruye bagira bat! "Dukunda igihugu mu gihe dufatanya mu gukora ibikorwa byiza bigiteza imbere."

4



Dukunda igihugu mu gihe dukunda ibyiza bigitatse.

Dukunda igihugu mu gihe twita ku bidukikije byose, tukabirengera, tugatera ibiti.

5



Dukunda igihugu mu gihe turengera umuco wacu.

Dukunda igihugu, turengera amateka yacyo.

6



Dukunda igihugu mu gihe dukora isuku aho dutuye.

Dukunda igihugu mu gihe dufasha bagenzi bacu bagwiririwe
n'ibyago.


7



Dukunda igihugu mu gihe duharanira umutekano n'ubusugire bwacyo.

Dukunda igihugu mu gihe tukirinda abagizi ba nabi.


8



Dukunda igihugu mu gihe twubaha ababyeyi n'abarezi bose n'indirimbo yubahiriza igihugu cyacu.

Dukunda igihugu mu gihe dufasha abayobozi bacu mu miyoborere no mu gukemura ibibazo."

9



Barangije umuvugo, sitade yose iriyamirira. Amashyi y'urufaya ngo kacikaci!

Ibihembo bibasesekaraho, ababafotora baracicikana, umunsi mukuru uba akataraboneka.

10



Ibibazo byo kumva inkuru

**Ushingiye ku byo wasome mu nkuru,
subiza ibibazo bikurikira:**

1. Ni ba nde bavugwa mu nkuru?
2. Inkuru yabaye ryari?
3. Ni hehe buri wese yagiye mu munsi mukuru?
4. Ni ibihe bikorwa bijyanye no gukunda igihugu abana bavuze mu muvugo?
5. Ni gute iyi nkuru irangira?
6. Hari ibikorwa wumva byiza wumva wakorera igihugu cyawe? Bivuge.



Soma amagambo n'interuro bikurikira.

- | | | |
|-------------|------------------|----------------------|
| 1. Yahembwe | 2. ibikorwa | 3. byaramushimishije |
| 4. amashyi | 5. umunyamahirwe | 6. amasiganwa |
| 7. amajwi | 8. ubutwari | 9. ibihembo |
| 10. kwiruka | 11. benshi | |

Kagabo yagaragaje ubutwari mu kwhangira umurimo ahembwa amafaranga menshi.

1



Hitamo interuro zижanye n'ibivugwa kuri Semana uzandike mu ikayi.

1. Semana yari afite akaguru kamwe, akandi karacitse.
2. Nyina wa Semana yibwiraga ko umwana we ari umunyamahirwe.
3. Iyo Semana yumvaga abantu bavuga ku kuguru kwe, yacikaga intege.
4. Semana yiyemeje kujya mu masiganwa nk'abandi bana.
5. Semana we ntiyabonye ibihembo.

2



1. Andika mu mukono mu ikayi izi nyuguti hanyuma wandike amagambo 3 ziganjemo.

k v w z K V W Z



2. Itegerezze uko buri nyuguti yanditse, hanyuma wandukure interuro zikurikira mu mukono mu ikayi yawe.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

a. Kuba intwari ntibigombera imyaka myinshi.

b. Gufasha abandi ni igikorwa cy'ubutwari.



3. Koresha amagambo akurikikira ukore interuro, hanyuma uzandukure mu ikaye yawe ukoresheje utwatuzo.

1. amahirwe

2. ubutwari

3. amasiganwa

3



1. Shaka mu nkuru impuzanyito z'amagambo akurikira hanyuma uyakoreshe mu nteruro. Andika izo nteruro mu ikaye.

a. ishimwe

b. gusoza



2. Uhereye ku bivugwa mu nkuru "Ubutwari bwa Semana", uzuza interuro ikurikira uyandukure mu ikayi yawe.

Semana we yumvaga ari umunyamahirwe kuko.....

4



Koresha amagambo akurikira ukore agakuru kavuga ku butwari.

- | | | |
|-------------------|-------------|-------------|
| 1. ikibuga | 2. isiganwa | 3. ifirimbi |
| 4. gukoma amashyi | 5. amahirwe | 6. ubutwari |

5



1. Hitamo interuro zижyanye n'ibivugwa kuri Semana mu nkuru hanyuma uzandike mu ikaye yawe

1. Semana koko yari umunyamahirwe make.
2. Semana yagaragaje ubutwari budasanzwe.
3. Semana nta bihembo yari akwiriye kubona.
4. Ubutwari bwa Semana bwashimishiye bose.



2. Andika uyu mwandiko mu ikaye, wuzurisha ahari utudomo amagambo atoranyije muri aya akurikira: anezerwa, isiganwa, ibihembo, umunyamahirwe, inzira, arabasiga

Umunsi umwe, Rukundo yagiye mu ry'amagare.
 Nuko aritegura, ashaka igare rye. Afata yerekeza
 ku kibuga amasiganwa yari kuberaho. Mu nzira yaribwiraga
 ati "ndabizi, ndi, ngomba kuba uwa mbere."
 Isiganwa rimaze gutangira, Rukundo yanyonze igare rye, maze
 Yabonye bishimishiye. Ibyo byatumye
 Rukundo.....maze yiyeza gukomeza ubwo butwari.

6



Ushingiye ku byo wasomye mu nkuru "Ngenzi yagize ubutwari", soma ibibazo bikurikira wandike ibisubizo mu ikayi .

1. Ntwari yari afite ikihe kibazo?
2. Iyi nkuru irangira ite?

7




Soma iyi ntangiriro y'inkuru utekereze ku buryo wayuzuza maze uyandike mu ikayi yawe

Ngenzi yagize ubutwari kuko

1

Ngenzi yagize ubutwari

**2**

Ngenzi yabanaga n'ababyeyi be. Iwabo bari bifashije. Bari bafite ubukungu buhagije. Ngenzi ntiyigeraga abura ibikoresho by'ishuri. Ntiyigeraga abura amafunguro cyangwa imyambaro.

3



Hari umwana bari baturanye witwaga Ntwari. Iwabo wa Ntwari bari abakene cyane. Ntwari nta myambaro y'ishuri yagiraga. Akensi Ntwari yarabwirirwaga kuko iwabo babaga babuze ibiribwa byo guteka.

4



Umunsi umwe, Ngenzi abona Ntwari yigunze ku kibuga cyo ku ishuri ryabo. Yari yicaye ahondobera.

5



Ngenzi aramwegera aramubaza ati "ntwari we, ko usinzirira aho wicaye, ntiwaraye uryamye?"

Ntwari aho kumusubiza araturika ararira, ararira cyane.

6



Ngenzi abonye Ntwari arira, arushaho kumwegera no kumubaza ikibazo afite. Ntwari aramusubiza ati "Ngenzi, iwacu twaburaye, kandi sinzi ko na saa sita tuza kubona icyo kurya."

7




Ngenzi yumvise ibyo biramubabaza cyane. Nuko aramubwira ati "ihangane maze saa sita uze kuza dutahane iwacu, turaza gusangira ibiryo mama aza kuduha."

8



Saa sita zigeze, Ngenzi ajyana na Ntwari iwabo mu rugo. Bageze iwabo, Ngenzi yereká Ntwari ababyeyi be arababwira ati "ndifuza ko buri munsi nzajya nsangira na Ntwari. Ndifuza no kumuha ku myambaro y'ishuri."

9



Ababyeyi be babyakira neza. Bukeye Ngenzi n'ababyeyi be bajya gusura umuryango wa Ntwari, babashyira imfashanyo. Ababyeyi ba Ngenzi bari bitabaje n'abandi baturanyi maze bose bakusanya imfashanyo nyinshi, bazishyira ababyeyi ba Ntwari.

10

Ibibazo byo kumva inkuru

**Ushingiye ku byo wasome mu nkuru,
subiza ibibazo bikurikira:**

1. Ni ba nde bavugwa mu nkuru?
2. Kubera iki Ntwari yariraga igihe Ngenzi yamubonaga?
3. Ni hehe Ngenzi yajyanye Ntwari?
4. Ni iki umuryango wa Ngenzi wakoreye Ntwari?
5. Utekereza ko Ntwari amaze gufashwa na Ngenzi yumvise ameze ate?
6. Haba hari mugenzi wawe ubona afite ibibazo nk'ibya Ntwari? Vuga icyo wumva wamukorera.



Soma amagambo n'interuro bikurikira.

- | | | |
|--------------|---------------|--------------|
| 1. Musheru | 2. abarobyi | 3. kwikosora |
| 4. umunyu | 5. inshingano | 6. cyangwa |
| 7. amagambo | 8. ubutware | 9. inzuki |
| 10. imbabazi | 11. umuryango | 12. umugongo |

- a) Musheru yagiye mu mazi ihetse umunyu ku mugongo urashonga.
- b) Abaturage bakwiye kwegerezwa ibikorwa by'amajyambere.

1



Hitamo interuro zижanye n'ibivugwa kuri “Mutamu na Musheru”, uzandike mu ikaye.

1. Mutamu na Musheru ni zo zari ihene nkuru
2. Nyina wa Mutamu na Musheru yazihaye umukoro kugira ngo imenye izayisimbura.
3. Ihene Musheru ni yo yari ifite imyifatire myiza.
4. Musheru ni yo yegukanye ubutware bw'umuryango.



Hitamo interuro zижanye n'ibivugwa mu nkuru Mutamu na Musheru, uyandike mu ikaye yawe.

1. Mutamu yagiriye inama nziza Musheru ariko yo yanga kumva.
2. Musheru, mbere yo kwidumbura mu mazi yashyize hasi ifu n'umunyu.
3. Musheru yisubiyeho, yiyemeza kwikosora, kwitonda no kudahubuka.

2



1. Itegerezze uko buri nyuguti yanditse, hanyuma wandukure interuro zikurikiraho mu mukono mu ikayi yawe.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

- a. Mbere yo kwambuka umuhanda, mbanza kwitonda.
- b. Buri gihe, nirinda gukubugana no guhubuka.



2. Kora interuro ukoresheje igisobanuro cya kabiri cy'amagambo aciyeho akarongo mu nteruro zikurikira.

1. Mutamu na Musheru zagiye ku isoko kugura amagi, ifu n'umunyu.
2. Mutamu yabaye umukuru w'umuryango.
3. Musheru ireba mu kirere iti "sinongera"
4. Nyina yongeyeho iti" uza mbere ndamushima"



Andika mu mukono izi nteruro:

- a) Zirarushya ni mwishywa wa Nziraguseswa
- b) Nyiramutembanshyushyu arateza inshyimbo incyamuro.

3



1. Kora interuro ebyiri ukoresheje ibisobanuro bibiri bitandukanye bya buri jambo mu magambo akurikira, hanyuma uzandike mu ikayi yawe.

- | | |
|---|-----------|
| 1. inzara | 2. kurira |
| 2. Uhoreye ku nkuru "Mutamu na Musheru" uzuza izi nteruro usobanura impamvu Mutamu yasigiwe ubutware naho Musheru ikabwimwa. | |
| 1. Mutamu ni yo yasigaranye ubutware bw'umuryango kuko... | |
| 2. Musheru yimwe ubutware kubera ko ... | |

4



Koresha amagambo akurikira maze ukore umwandiko mugufi, hanyuma uwandike mu ikaye yawe .

1. kudahubuka
2. umuryango
3. kurira

5



1. Hitamo interuro zijiyanje n'ibivugwa mu nkuru “Mutamu na Musheru”, maze uzandike mu ikayi yawe.

1. Musheru yamennye amagi igihe yari yagiye kwiba ubuki.
2. Nyina wa Mutamu na Musheru yifuzaga uwayisimbura kuko yari ishaje.
3. Igihe Musheru yarohamaga mu mazi, yarohowe na Mutamu.
4. Mu nkuru, Musheru yanze kwisubiraho burundi.



2. Uzurisha umwandiko amagambo akurikira hanyuma uwandike mu ikayi yawe:

- a) umugezi
- b) kwitonda
- c) imbabazi
- d) isoko
- e) inshingano
- f) amafaranga
- g) inzuki

Umunsi umwe, Mariya bamutumye ku kugura amata.
Mu nzira yanyuze ku zahovaga hafi y' Nuko ashyira magana atanu yari afite hasi mu byatsi, maze atangira kuzitegerezza.

6



**Ushingiye ku byo wasomye mu nkuru
“Twitondere kwambuka umuhanda”, soma
ibibazo bikurikira wandike ibisubizo mu ikayi.**

1. Ni iki tugomba kwitondera no gukora mbere yo kwambuka umuhanda?
2. Kabanda yafashe ikihe cyemezo mu mpera y'iyi nkuru?

7



**Soma iyi ntangiriro y'inkuru utekereze ku
buryo wayuzuza maze uyandike mu ikayi yawe**
Tugomba kwitondera kwambuka umuhanda

.....

1

Twitondere kwambuka umuhanda



2



Umunsi umwe, Kabanda na Akineza ababyeyi babo
babatumye ku isoko guhaha.

3



Bageze iruhande rw'umuhanda munini wacagamo imodoka, bashaka kwambuka. Mu muhanda hari imodoka nyinshi cyane.


Nuko barahagarara gato, ngo bashake uko bambuka.

4



Kabanda abwira Akineza ati "iby'izi modoka ntitwabivamo. Reka twambuke, humura nta cyo tuba."

5



Nuko Kabanda abwira Akineza ati "reka tubare gatatu hanyuma duhite twambuka vuba vuba.

6



Akineza, afata akaboko ka Kabanda aragakomeza cyane ati "oya. Ku ishuri batwigishije ko umuntu abanza kureba nibanta kinyabiziga kindi gishobora kumugonga."

7



Nyamara ako kanya Kabanda yishikuza Akineza, ahita yirasa mu muhanda atabanje kureba imodoka ije.

8



Ako kanya, imodoka y'ivatiri yari ifite umuvuduko mwinshi imufungiraho amaferi. Abantu bose bari ku muhanda bahita basakuza bavuga batii "yari apfuye weee!"

9



Kabanda na we uwoba buramutaha. Akineza we yipfuka mu maso kubera uwoba. Kuva ubwo Kabanda yajyaga kwambuka umuhanda akabanza akabyitondera.

10

Ibibazo byo kumva inkuru

**Ushingiye ku byo wasomye mu nkuru,
subiza ibibazo bikurikira:**

1. Ni ba nde bavugwa mu nkuru?
2. Mu ntangiriro y'inkuru, bavuga ko Kabanda na Akineza bari bagiye he?
3. Ni gute Kabanda yambutse umuhanda?
4. Byagenze bite Kabanda yambutse umuhanda?
5. Iyi nkuru irangira ite?
6. Ni gute wowe witwara mu muhanda ugendwamo n'ibinyabiziga? Ni izihe nama wagira bagenzi bawe ubona bitwara mu buryo bwateza impanuka.



Soma amagambo n'interuro bikurikira.

- | | | |
|------------------|-----------------|-----------------|
| 1. Nyirantyoza | 2. kunshakira | 3. ishyamba |
| 4. kwibaza | 5. kwigengesera | 6. imegeri |
| 7. Sematicyori | 8. ibyishimo | 9. icyayi |
| 10. ntibyoroshye | 11. ijwi | 12. bwahindutse |

- a) Indyo nziza ni igwiriyemo ibitunga umubiri n'ibirinda indwara.
b) Incyuro si nziza zirababaza.

1



Hitamo interuro zижанье н'ибивугва му нкур “Ibuye ry'amayobera”, uzandike mu ikaye yawe.

1. Nyirantyoza yagiye gushaka imegeri yizeye kuzibona.
2. Agakoko kadasanzwe kafashije Nyirantyoza kubona imegeri.
3. Nyirantyoza yasubiye mu ishyamba yongera kubona udukoko twamufashije.
4. Sematicyori yabwiye Nyirantyoza ko ashobora kubona imegeri ku buryo bworoshye.

2



1. Itegereze uko buri nyuguti yanditse, hanyuma wandukure mu mukono mu ikayi interuro zikurikira.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

- a) Mu ishuri, nkorana umurava ibyo mwarimu ambwiye.
b) Abo mu muryango wanje bamfasha gukora umukoro.

2. Soma interuro zikurikira. Zuzuze ukoresheje akatuzo gakwiye (. ! ?) maze uzandike mu ikaye.

1. Hari icyo wamarira se
2. Iki ni ikiringiti
3. Mbega imegeri nyinshi weee

3. Andika interuro ikurikira mu mukono:

- a) Ese wari uzi ko u Rwanda rukikijwe n'ibihugu bine?
b) Imbwija ni imboga zikunze kumera iyo imvura iguye.

3



**1. Uhereye ku nkuru wasomewe mu ishuri,
kora interuro wifashishiye imwe mu mvugo
zikurikira hanyuma uyandike mu ikayi yawe.**

1. kwica imegeri

2. kubura umutwe



**2. Uhereye ku nkuru wasomewe, uzuza iyi
nteruro hanyuma uyandike mu ikayi yawe.**

Nyiratyoza amaze kwinjira muri rya shyamba

4



**Koresha amagambo akurikira maze ukore
umwandiko mugufi . Wibuke kwandika
inyuguti zizwe mu mukono.**

1. impungenge

2. urumeza

3. ishyamba

5



**Hitamo interuro zижanye n'ibivugwa mu
nkuru "Ibuye ry'amayobera," maze uzandike
mu ikaye yawe.**

1. Nyirantyoza yasuzuguye nyirasenge yanga kujya
gushaka imegeri.

2. Nyirantyoza yagiye kwica imegeri yizeye kuzibona.

3. Ibuye ry'amayobera ni ryo ryatumye Nyirantyoza abona
imegeri.

4. Nyirasenge wa Nyirantyoza yaramushimye.

6



**Ushingiye ku byo wasomye mu nkuru
"Umurava wa Nyiraneza" soma ibibazo
bikurikira, wandike ibisubizo mu ikayi .**

1. Ni iki Nyiraneza yakoze kugira ngo akemure ikibazo yari
afite cy'buswa?

2. Byagenze bite mu mpera y'iyi nkuru?

7



**Soma iyi ntangiriro y'inkuru utekereze ku buryo
wayuzuza maze uyandike mu ikayi yawe.**

Umunsi umwe, Mutoni yajyanye na nyirakuru kugura

1

Umurava wa Nyiraneza



2

P 3



Nyiraneza yiga mu mwaka wa gatatu w'amashuri abanza. Igihe yatangiraga kwiga umwaka wa gatatu, yari afite ibibazo byinshi.

3



Ku mpera y'igihembwe cya mbere, yabaye uwa nyuma mu ishuri. Ku mpera y'igihembwe cya kabiri, na bwo aba uwa nyuma.

4



Mwarimu n'ababyeyi be bakoraga uko bashoboye ngo bamusobanurire ariko bikanga bikaba iby'ubusa.


Nyiraneza ntiyakundaga gusoma ngo asubiremo ibyo yize.

5



Umunsi umwe, yagiye kugisha inama Kagisha biganaga.
Kagisha we yahoraga aba uwa mbere. Nyiraneza ageze iwabo
wa Kagisha, atangazwa n'umurava yabonanaga Kagisha.

6



Yasanze Kagisha afite ibitabo n'amakaye ye asubiramo
amasomo ye, akora imikoro yahawe. Yabonye kandi Kagisha
asobanuza mukuru we ndetse n'ababyeyi be.

7



Nuko Nyiraneza abonye ibyo aribwira ati "mbonye impamu nabaga uwa nyuma!" Nuko na we yi yemeza gukora nka Kagisha.

8



Buri munsi, Nyiraneza agafata umwanya uhagije agasubiramo amasomo ye. Yafataga umwanya uhagije wo gusoma, agakora imikoro yahawe kandi agasobantuza n'ibyo atumvise.

9



Byagenze bite? Mu gihembwe cya gatatu, Nyiraneza yegukanye umwanya wa mbere. Mwarimu, abana biganaga ndetse n'ababyeyi birabashimisha. Kuva ubwo, Nyiraneza akomeza kuba uwa mbere mu ishuri!

10

Ibibazo byo kumva inkuru



**Ushingiye ku byo wasomye mu nkuru,
subiza ibibazo bikurikira:**

1. Ni ba nde bavugwa mu nkuru?
2. Ni ikihe kibazo Nyiraneza yari afite mu ntangiriro y'inkuru?
3. Ni iyihe nama Nyiraneza yigiriye kugira ngo akemure ikibazo?
4. Ni iki Nyiraneza yiyemeje gukora avuye gusura Kagisha.
5. Iyi nkuru irangira ite?
6. Niba hari mugenzi wawe ubona udakora neza mw'ishuri wamugira iyihe nama?



Soma amagambo n'interuro bikurikira.

- | | | |
|--------------|-----------------|------------------|
| 1. inyoni | 2. ubusanzwe | 3. izengurutswe |
| 4. icyayi | 5. Rwanda | 6. incuti |
| 7. nyinshi | 8. ibyatsi | 9. amagaragamba |
| 10. ubukonje | 11. kwisobanura | 12. amajyaruguru |
- a) Amoko menshi y'amafi agira amagaragamba.
b) Ubusanzwe mu majyaruguru y'u Rwanda haba ubukonje.

1



Hitamo interuro zижanye n'ibivugwa mu nkuru "Ifi n'inyoni", maze uzandike mu ikaye yawe.

1. Ifi n'inyoni byabaga mu majyepfo.
2. Ifi n'inyoni byari incuti zikomeye.
3. Mu gihe ifi n'inyoni byajyaga gushaka ahantu hashyushye, ifi yaciye iy'ubutaka, inyoni ica iy'amazi.
4. Ifi yanze kwigisha andi mafi kwibira.

2



1. Itegerewe uko buri nyuguti yanditse, hanyuma wandukure interuro zikurikiraho mu mukono mu ikayi yawe.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

- a) Iwacu mu rugo, tubana mu bworohere.
b) Iyo nkoze ikosa, nsaba imbabazi.



2. Andika interuro ikurikira mu mukono:

Rubibi arakuba urubobi



3. Soma akandiko gakurikira maze ukandukure mu ikayi yawe ugenda ushyiramo utwatuzo twa ngombwa kandi unoza umukono ku nyunguti zizwe.

Kanakuze yakundaga isupu y'ibihumyo cyane Igihe kimwe, yagiye gusura Muhire agezeyo ati muraho aba hano Muhire ati uraho Kanakuze we Nuko amwakiriza isupu y'ibihumyo

3



**1. Uhereye ku nkuru wasomewe mu ishuri,
kora interuro wifashishije amwe mu magambo
akurikira hanyuma uyandike mu ikayi yawe.**

1. kwibira

2. gutitira



**2. Uhereye ku nkuru wasomewe,uzuza iyi
nteruro hanyuma uyandike mu ikayi yawe.**

Igihe kimwe, inyoni yabwiye ifi iti “

4



**Koresha amagambo akurikira maze ukore
umwandiko mugufi, uwandukure mu ikayi
yawe.**

1. amafi

2. amagaragamba

3. gusangira

5



**Mu nteruro zikurikira, hitamo idahuje
n'ibivugwa mu nkuru “Ifi n'inyoni.”**

1. Ifi yigishije andi mafi kwibira.

2. Inyoni n'ifi byaranganaga cyane.

3. Ifi n'inyoni byagiye gushakisha ahantu hashyushye.

4. Amafi yose yashakaga kwiga kwibira akagera kure.

6



**Ushingiye ku byo wasomye mu nkuru “Intama
yafashije ingurube”, soma ibibazo bikurikira
wandike ibisubizo mu ikayi .**

1. Mu ntangiriro y'iyi nkuru, ingurube yarangwaga n'iki?

2. Ni irihe somo ingurube yakuye mu burwayi bwayo?

7



**Soma iyi ntangiriro y'inkuru utekereze ku
buryo wayuzuza maze uyandike mu ikayi
yawe**

Mukamana akora ku bitaro. Buri gitondo,

1

Intama yafashije ingurube



2



Imfizi y'intama yabaga mu kiraro cyegeranye n'icy'ingurube. Iyo ngurube yagiraga umwanda ikanukira intama, ikagira inda nini, yamara kuvundereza ibijumba bayihaye, ikadukira ubwatsi bw'intama. Yahoraga itoroka mu kiraro, ikajya kona mu mirima y'abandi no kwivuruguta mu nzarwe mu gishanga.

3



Umunsi umwe, intama yari irimo irisha mu rwuri.

Nuko yumva urusaku rwinshi rudasanzwe.

Intama irekera aho kurisha, itega amatwi kugira ngo yumve ibibaye.

Yumva urusaku rurushaho kwiyongera cyane.

Intama iribaza iti "urwo rusaku ni urw'iki?"

4



Nuko yiruka igana ku gihuru, ahaturukaga urusaku.

Isanga ni ya ngurube yituye mu mwobo.

Ibona ingurube yavunitse akaguru.

5




Intama ibona ukuntu iyo ngurube yigaragura mu mwobo,
iyigirira impuhwe.
Ishaka uburyo yayikuramo.

6




Ihita iyihereza akaboko, iyikurura mu mwobo, irayiterura,
iyishyira ku bitugu, irayiheka iyigiza ahitaruye umwobo.

7



Nuko ingurube ibwira intama iti "wambabariye ukangeza mu rugo ko ntashobora kugenda. Dore navunitse akaguru, simbasha gutambuka. Ndatambuka ngahenuka."

8



Intama iritegerezza ibona iyo ngurube ifite umwanda, yibuka ukuntu iyihzo ku nkeke iyirira ubwatsi n'ukuntu ihora iyigira inama yo kwitwara neza ikavunira ibiti mu matwi.

Ibanza gushidikanya ariko bigeze aho iyigirira impuhwe.

9



Nuko irongera iyiterera ku bitugu iyijyana imuhira.
Intama irayirwaza, ikajya iyikandisha amazi ashyushye,
ikanayisasira ubwatsi yasigaje.
Muri ubwo burwayi, ingurube yahakuye isomo ryo kugira isuku,
kwitonda no kutanduranya irya ibyo itahawe.

10

Ibibazo byo kumva inkuru

**Ushingiye ku byo wasome mu nkuru,
subiza ibibazo bikurikira:**

1. Ni ba nde bavugwa mu nkuru?
2. Ni iki intama yumvise mu gihuru?
3. Ni ikihe kibazo ingurube yari yagize ?
4. Ni gute intama yafashije ingurube?
5. Iyi nkuru irangira ite?
6. Wakora iki uramutse ubana na mugenzi wawe ubona
ko yitwara nabi?

Isuzumabumenyi



Umwitoto 1: Muri izi nteruro, amagambo aciyeho akarongo yakoreshejwe nabi bituma zitumvikana uko bikwiye.
Yasimbuze imbusane zayo maze wandike mu ikaye yawe interuro ziboneye.

1. Iyo hari urumuri sinshobora kubona neza.
2. Ubushyuhe butera umuntu gutitira.
3. Ahantu hari ibirori, haba hari umubabaro.
4. Ba mukerarugendo bakunda gutemberera mu majyepfo y'u Rwanda kuko hari ingagi ziboneka ahantu henshi mu isi.
5. Ni nde utazi ko gutsinda mu ishuri bibabaza ababyeyi?



Umwitoto 2: Andika izi nteruro mu ikaye yawe usimbuza ijambo riciyeho akarongo imvugakimwe yaryo ku buryo interuro idahindura igisobanuro cyayo.

1. Ku cyumweru gishize twagiye kwita izina iwabo wa Ncuti, kuko bibarutse undi mwana w'umukobwa.
2. Ntiza indyabiti yawe njye kwiyasiriza inkwi.
3. Saa sita iyo zigeze, twihutira gutaha kuko tuba dufite isari.
4. Gutembera bituma umuntu areba ibintu byinshi akunguka ubumenyi.
5. Ni byiza kuganira n'abakambwe kuko baba bazi ibintu byinshi twe tutamenye.



Umwitoto 3: Shyira utwatuzo dukwiye ahari akarongo muri izi nteruro












1. Ni nde utazi akamaro ko gusoma no kwandika_
2. Byiringiro yabwiye Ncuti ati_nyigisha ikinyarwanda, nanje nkwigishe imibare_ _
3. Mbega ukuntu u Rwanda rufite ibyiza byinshi_
4. Icyo nkundira incuti ni uko zifatanya najye mu byishimo_zikansura_kandi twahura tugakina_



Umwitoto 4: Koresha aya magambo abiri akurikira wuzuza ahari utudomo muri izi nteruro ubone interuro 4 zitandukanye: inzara, imisambi.

1. Si byiza kugirandende kuko zibika umwanda.
2. Simperuka kubonaiguruka mu kirere cy'iwacu
3. Iyo umuntu afitentashobora gukora neza.
4. Abanyarwanda ba kera baryamaga kukuko imifariso itabagaho.

Imbonerahamwe y'inyugutu z'umukono zizwe.

 <i>amataro</i>	 <i>gasaka</i>	 <i>meme</i>	 <i>omo</i>	 <i>omo</i>	 <i>naliyo</i>	 <i>radio</i>	 <i>igali</i>	 <i>izuba</i>
 <i>f</i>	 <i>e</i>	 <i>ifi</i>	 <i>l</i>	 <i>ikinura</i>	 <i>l</i>	 <i>radio</i>	 <i>igali</i>	 <i>izuba</i>
 <i>A</i>	 <i>irene</i>	 <i>M</i>	 <i>ino</i>	 <i>omo</i>	 <i>omoto</i>	 <i>radio</i>	 <i>igali</i>	 <i>izuba</i>
 <i>d</i>	 <i>i</i>	 <i>o</i>	 <i>ipapayi</i>	 <i>omo</i>	 <i>omoto</i>	 <i>radio</i>	 <i>igali</i>	 <i>izuba</i>
 <i>D</i>	 <i>j</i>	 <i>o</i>	 <i>omo</i>	 <i>omoto</i>	 <i>omo</i>	 <i>radio</i>	 <i>igali</i>	 <i>izuba</i>
 <i>D</i>	 <i>j</i>	 <i>o</i>	 <i>omo</i>	 <i>omoto</i>	 <i>omo</i>	 <i>radio</i>	 <i>igali</i>	 <i>izuba</i>

Igihembe cya 3

Icyumweru cya 1: Isubiramo ry'ibizwe mu gihembwe cya 2



Umwitoto 1. Soma agakuru gakurikira, hanyuma usubize ibibazo bikurikiraho.

Umunebwe n'umunyabwira

Kera hariho abavandimwe babiri b'abakene. Umwe ntiyakundaga gukora ngo abone imyaka n'amafaranga, ntiyagiraga ubwira muri ibyo; akibwira ko amafaranga azamwizanira akamusanga iwe. Ayabuze akajya avuga ati "ndi umukene. Singira ibantu. None se ngire nte ko bitangwa n'lmana?" Nuko akirirwa yiycaririye gusa, abandi bakamwita umutindi. Ntiyagiraga ubwira bwo kwishakira ibimutunga.

Nyamara murumuna we yanga kugenza nka we. Na we yavugaga ko afite ibantu bike, ariko ati "nzakora uko nshoboye mbyongere mbone byinshi." Ibyo yasigiwe n'ababyeyi abitunga neza, ngo atazabura ikimutunga ikindi gihe. Akagira ubwira mu byo akora byose agamije ibyamuteza imbere.

Buhoro buhoro, yorora neza amatungo yasigiwe n'ababyeyi be. Akomeza wa mugambi we ati "ndi umukene, ariko nzabona ibantu, kuko mfite amaboko n'ubwenge nkoresha."

Koko rero, akoresha amaboko n'ubwenge bwe, bukeye imirimo ye iramukungahaza.

Nuko akira atyo, kandi arabisazana. Naho undi apfana ubukene bwe.

Mu Kinyarwanda baca umugani ngo "lmana ifasha uwifashije."

Byavuye muri "Ikigo cy'lgihugu Gishinzwe Integanyanyigisho" (2004) Igitabo cyo gusoma, umwaka wa 3, urupapuro rwa 55.

Ibibazo byo kumva umwandiko

1. Ni ba nde bavugwa mu gakuru?
2. Abavandimwe babiri bari batandukaniye ku ki?
3. Sobanura uko buri wese muri abo bavandimwe byamugendekeye.
4. Ni nde muri aba bavandimwe babiri wahisemo neza?
5. Sobanura umugani "lmana ifasha uwifashije."
6. Ni izihe nyigisho ukuye ku myitwarire y'aba bantu babiri? Haba hari abantu ubona bitwara nk'uyu munebwe? Wabagira iyihe nama?

Umwitoto 2. Imimaro y'ibintu muri aka gace k'umuvugo irabusanye. Genda uyihindura buri kintu kijyane n'umumaro wacyo.

Izuba rirakonjesha

Urusenda rukaryohera

Imbeho igasusurutsa

Amazi araribwa

Isukari irasharira

Ibiryo bikanyobwa.

Umwitoto 3. Itegereze uko buri nyuguti yanditse, hanyuma wandukure interuro zikurikira mu mukono mu ikayi yawe.

a o m n r d g c e u l t j i f s y h p b k v w z

A O M N R D G E U L C J F S Y H P B K V W Z

- Twese twese twirinde ubunebwe kuko butera ubukene!
- Kora ndebe iruta vuga numve.

Umwitoto 4. Andika aka gace k'umwandiko ushyira akatuzo gakwiye ahari akarongo.

Kera cyane umuntu ntiyajyaga asonza_ Inzara ntiyabaga mu nda y'umuntu kandi n'ubwanwa ntibwabaga ku minwa y'abagabo_ Inzara n'ubwanwa byari bituye ku gasozi kamwe_ ku kandi gasozi hatuye umugabo_

Umunsi umwe_ubwanwa bwagiye gusura inzara maze burayibaza buti_ko ngiye guhinga ibigori washobora kuza tugafatanya_

Inzara isubiza yiyamirira iti “reka daaa_Nifitiye imbaraga nkeya genda urime njye nzasanza amasinde_”

Umwitoto 5. Ibibazo byo kumva umwandiko.

- Ni ba nde bavugwa mu mwandiko?
- Ni uwuhe mukinnyi ushima mu nkuru? Kubera iki?
- Ni uwuhe mukinnyi unenga mu nkuru? Kubera iki? Wowe wari gukora iki mu mwanya we?
- Ni iyihe nyigisho ukuye mu nkuru?

1



1. Andika mu ikayi yawe interuro ijyanye n'ibivugwa kuri Warupyisi.

1. Warupyisi yagiraga ubugugu bukabije ikaba n'igisambo.	2. Warupyisi nta nka n'imwe yari itunze.
3. Warupyisi yasabanaga n'izindi nyamaswa.	4. Warupyisi yakundaga kumva no gukurikiza inama yagirwaga.



2. Ushingiye ku bivugwa mu nkuru “Ubusambo bw’impyisi Warupyisi”, soma interuro zikurikira, uvuge “yego” cyangwa “oya”.

- a) Warupyisi ntakundaga abayivogereraga urugo.
- b) Warupyisi yagiye kugisha inama intare umwami w’ishyamba.
- c) Mu nzira, Warupyisi yahuye n’imbwebwe.
- d) Abana n’umugore ba Warupyisi bararwaye bagera kure.

2



1. Itegerezze uko buri nyuguti yanditse hanyuma wandukure interuro zikurikira mu mukono mu ikayi yawe.

a o m n r d g c e u l t j i f s y h p b k v w ţ

A O M N R D G C E U L T J I F S Y H P B K V W Ţ

1. Warupyisi yahoraga yivugisha iti "sinkunda abamvogerera urugo."
2. Ibyo isega wavugaga byabaye nko guta inyuma ya Huye.



2. Andukura interuro zikurikira mu ikayi yawe ushyira amagambo aciyeho akarongo mu bwinshi, unahindura aho biri ngombwa mu nteruro.

1. Warupyisi irarakara ifata ibuye itera ako kanyoni.
2. Dukwiye kwegera umuturanyi wacu akatugira inama.



3. Shyira mu bwinshi amagambo aciyeho akarongo, wuzuze interuro zikurikira.

<u>ikiziriko</u> kimwe	bibri
<u>umutungo</u> muke	myinshi
<u>umurimo</u> ukomeye	ikomeye
<u>igisambo</u> kimwe	bitatu
<u>umukecuru</u> umwe	batanu



4. Shyira interuro zikurikira mu bwinshi, uzandukure mu ikayi yawe.

1. Umukobwa wa Kamari yatzaniye ikigori.
2. Uyu muhungu ni umunyabugugu.

3



1. Koresha amagambo akurikira mu nteruro maze uyandike mu ikayi yawe.

1. gukungahara 2 icyorezo 3 urusorongo



2. Soma interuro ikurikira maze uyuzuze uhereye ku nkuru wasomewe.

Mu gihe gito amatungo magufi na yo arafatwa maze

.....

4



Koresha amagambo akurikira maze uhimbe agakuru kagufi, ukandike mu ikayi yawe.

1. inka

2. icyemezo

3. igisambo

4. uruzitiro

5 gusabana

6 imbabazi

5



Soma interuro zikurikira maze usubize "yego" cyangwa "oya". Andukura igisubizo mu ikayi.

1. Warupyisi ntiyasabanaga n'izindi nyamaswa kugira ngo zitayanduza indwara.
2. Ubukene ni bwo bwatumaga Warupyisi yanga gusangira n'izindi nyamaswa.
3. Si ngombwa kwita ku nama z'abandi kuko buri wese arihagije.

6



Ushingiye ku byo wasomye mu nkuru "Akanyamasyo na Bakame", soma ibibazo bikurikira, wandike ibisubizo mu ikayi .

1. Kuki Bakame n'akanyamasyo byiyemeje gusiganwa?
2. Ni iki cyatumye Bakame itsindwa?

7



Uhereye ku ntangiriro y'inkuru yatanzwe, komeza wandike iyi nkuru.

Umunsi umwe, ababyeyi ba Kampire bamutumye ku isoko kugura amagi

.....


.....

1

Akanyamasyo na Bakame



2




Buri gihe Bakame yahoraga yirata ivuga ko izi kwiruka.
Akanyamasyo ko kari kamaze kurambirwa guhora kumva
Bakame yirirwa yigamba.

3



Umunsi umwe, Bakame iravuga iti “nta n’umwe wandusha kwiruka. Nshobora kwiruka nkabasiga mwese!”

4



Akanyamasyo karayisubiza kati “ariko Bakame wowe uhora uvuga ko uzi kwiruka nta kindi. Tumaze kubirambirwa.”

5



Akanyamasyo kari kamaze kurambirwa ibya Bakame!
Akanyamasyo karavuga kati “Baka, ndashaka ko turushanwa kwiruka.”

6



Bakame iraseka cyane iti “jyewe ndushanwa nawe,
ntushobora kunsiga! Nzi kwiruka cyane kukurusha!”
Akanyamasyo na ko kati “nyamara imvugo si yo ngiro!”

7



Ingona aho yari yibereye mu mazi iti “bizaba bishimishiye!”

Impara aho yari irimo yirishiriza iti “akanyamasyo rwose kazatsindwa, kagenda buhoro cyane.”

Twiga na yo iti “nyamara kagenda buhoro, ariko kagira umuhate.”

8



Mu gitondo, inyamaswa zose zarahuruye ziza kureba isiganwa. Akanyamasyo kati “waramutse Baka!

Jye nditeguye... wowe se?”

Bakame irasubiza iti “umva nawe ra, nditeguye nyine! Kandi wowe nta mpungenge unteye!”

9



Impara iti “nimujye ku murongo,...isiganwa rigiye gutangira....mwitegureee... MUGENDE!”

Isiganwa riratangira. Bakame imanuka mu muhanda yiruka cyane, hanyuma irahagarara iriruhukira. Akanyamasyo kari kasigaye inyuma cyane, ariko gakomeza urugendo.

10



Bakame iravuga iti “reka njye kuba nkinira mu byatsi ... haracyari umwanya munini cyane.”


11



Twiga iti "mana yanje we, akanyamasyo kagira umuhate, ariko kagenda buhoro cyane!"


Bakame ibonye yasize kure akanyamashyo iribwira iti "ndumva ninaniriwe, reka mbe nisinziriyeho gatoya."

12



Akanyamasyo gakomeza kugenda. Ntikigera gahagarara na gato. Kagera hafi y'umurongo isiganwa ryagombaga kurangiriraho, inyamaswa zitangira kukogeza. Bakame irakanguka.

13



Bakame ibadukira hejuru, yiruka amasigamana ariko biba iby'ubusa. Akanyamasyo kari kamaze kurenga umurongo wo kurangirizaho.

Nuko kazamura amaboko, kabwira inyamaswa zose kati "mwibuke ko ugenda gahoro gahoro ariko ashyizeho umuhate, aruta uwihuta ariko ugenda ayobagurika!"

14

Ibibazo byo kumva umwandiko

1. Ni bande bavugwa muri iyi nkuru?
2. Ni ryari Bakame n'akanyamasyo byagombaga gusiganwa?
3. Ni izihe nyamaswa zindi zari zaje kureba isiganwa?
4. Ni iki cyatumye Bakame itsindwa?
5. Ni gute akanyamasyo katsinze isiganwa kandi ubusanzwe kagenda gahoro?
6. Ni izihe nyigisho ukuye mu myitwarire ya Bakame n'iyy'akanyamasyo? Ni gute ugiye kuzigenderaho mu buzima bwawe?

1



Soma uyu muvugo, uwusubiremo kenshi maze uwufate mu mutwe.

Uri mwiza Mama

Koko uri mwiza si ukubeshya

Singutaka bimwe bisanzwe

Abantu benshi bakabya cyane.

Amezi cyenda mu nda yawe

Untwite ugenda wigengesereye

Udahuga wanga ko mpugana.

Ngo igihe mvutse ntarareba

Umfureba neza ndanezerwa

Ngira ubushyuhe imbeho ntiyaza

Imbehe yanje ubwo ikaba ibere.

Imirimo yawe ndayigutesha

Imiruho yanje ndayigukwiza

Amarira yanje ndayagutura

Ariko ugira uti “kira kibondo.”

Nzakurata uko bigukwiye

Ibere ryawe ni indahinyuka

Kuko ndikesha ibyiza byinshi.

Amaraso meza ahorana ubusire

Umubiri mwiza utagira inenge

Bwa bugingo buzira indwara

Ngo ejo ntazahona ntituye!

Murezi utanga urugero rwiza

Uri Nyampinga ukagira ubuntu

Ntabwo urambirwa kuntamika

Ntuja usiba no kunkorera

Nyir’urugwiro nzagushima.

Mubyeyi umpana ntumpahamure

Ururimi rwawe rugaba ituze

Urugero rwawe nzarutora

N’umuco mwiza njye nkwigana.

Nzakurikiza isuku yawe

Mawe nshima uri Mudasumbwa.

Sinakunganya undi mubyeyi

Ishuri ryawe riruta ayandi

Ubwenge bwa mbere wantoje

Ni bwo nahereyeho njya kwiga.

Kutiganda mfasha n’abandi

Ibyo mbikesha umutima wawe

Ntabwo wangomwe urwo rukundo

Utagukunda Rugori rwera

Nta cyo yaba amaze mu Rwanda.

Mutima mwiza uzira umunabi

Ineza yawe ivamo urukundo

Sugira sangwa uri Rudasumbwa

Abo wibyariye tukurate.

Data azaguhe urugukwiye

Rumwe udukunda utizigamiye

N’uwaguhanze aguhore hafi

Azakurinde amakuba yose.

Ni ibyo ndangirijeho none

Ariko nzongera ngusubire

Kuko uri mwiza mawe nkunda.

Bifatiye ku muvugo Uri mwiza mama wo mu gitabo cy’umunyeshuri “Gusoma 4,” Ikigo cy’Igibugu gishinzwe integanyanyigisho, 2004 urupapuro rwa 23-24.

2



1. Itegereze uko buri nyuguti yanditse, hanyuma wandukure interuro zikurikira mu mukono mu ikayi yawe.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

Rwanda nkunda gihugu cyanje,
Reka nkurate uri ikirenga,
Maze abatakuzi bakumenye.



2. Soma izi ntondeke maze ugende wegeranya amagambo arimo imigemo isa uyandike mu ikayi yawe.

Imirimo yawe ndayigutesha
Imiruho yanje ndayigukwiza
Amarira yanje ndayagutura
Ariko ukagira uti “kira kibondo!”
Nzakurata uko bigukwiye

3



1. Andika iyi ntondeke mu ikayi yawe wuzurisha aya magambo yakuwe mu muvugo ahari utudomo: ituze, ngutake, sinakunganya, ikibondo.

Rwanda nziza reka

Jyewe.....wibarutse

.....ibindibihugu

Horanagihugu cyiza.



2. Koresha buri jambo mu nteruro, uyandike mu ikayi yawe.

1. Kwigengesera
2. Gufureba
3. Imbehe

4



1. Vuga niba “ari byo” cyangwa niba “atari byo” uhoreye ku biranga umuvugo “Uri mwiza mama”:

1. Umuvugo uba wanditse nk’umugani muremure.
2. Buri murongo ugize umuvugo witwa umukarago.
3. Kimwe mu biranga umuvugo ni uguSUBIRAMO amajwi n’amagambo.



2. Huza buri jambo n’igisobanuro cyaryo.

- | | |
|-----------------|-------------------|
| a. Kwigengesera | 1. kugira ikibazo |
| b. Urugwiro | 2. Gufubika cyane |
| c. Gufureba | 3. umutima mwiza |
| d. Guhugana | 4. kwitonda cyane |



3. Himba umuvugo ufile imikarago itangirwa n’inyuguti zigize rimwe muri aya mazina uko zikurikirana zimanuka.

- a. Data b. Umwarimu c. ineza

5



Vuga niba “ari byo” cyangwa niba “atari byo” ukurikije ibivugwa mu muvugo “Uri mwiza mama”:

Mu muvugo “Uri mwiza mama”, umwana:

1. Ararata se. 2. Arata nyina.
3. Arashimira nyina ibyiza yamukoreye.
4. Asezeranya nyina kuzamwitura ibyiza yamukoreye.

6



Ushingiye ku byo wasome mu nkuru “Amagorane n’uturingushyo”, soma ibibazo bikurikira wandike ibisubizo mu ikayi .

1. Ni iki Bwiza na Karisa bigishije Musoni ubwo yajyaga kubasura mu kiruhuko gishize?
2. Ni iki cyashimishije Musoni ubwo yasuraga Bwiza na Kaliza?

7



Uhoreye ku ntangiriyo y’inkuru yatanzwe, komeza wandike iyi nkuru.

Abana twese dukwiye kubaha ababyeyi bacu kuko

1

Amagorane n'uturingushyo



2



Mu kiruhuko gishize, Musoni yagiye gusura babyara be Bwiza na Kariza. Bamwigishije kuririmba, bamwigisha kubyina, bamwigisha no kubanga umupira mu birere. Musoni, ibyo byaramushimishije cyane.

3



Icyashimishiye Musoni kurushaho, ni uburyo Bwiza na
Kariza bamwigishiye kuvuga amagambo n'interuro mu buryo
buryoheye amatwi.

4



Musoni yamenye kuvuga neza kandi adategwa interuro
zigoye kuvuga vuba, kubera ko zigizwe n'amagambo afite
amajwi ahuye yegeranye n'andi binyuranyije imivugirwe, ari
byo byitwa "amagorane"; amenya no kuvuga utubango
duhimbitse neza, turimo inyigisho kandi dukesekeje ari two
twitwa "uturingushyo."


5



Dore amwe mu magorane cyangwa uturingushyo
bamwigishije.

Yewe mwana umennye ikibindi, ta izo njyo za
Nyiranyyunyuri, uze urye inzuzi ivure.

6



Musare asara asana insika.

7



Ubupfura

Imfura ni iyo musangira ntigucure, mwajya inama ntikuvemo, waterwa ikakuburira; wapfa ikakurerera; Kuba ukize ntusuzugure ukennyе, wasonza ntiwibe.

8



Igishwi cy'i Kibinda

Igishwi cy'i Kibinda
Cyamanutse i Kibingo
Kibinze ikirizo
Kirinze ko bwira
Ngo kibone aho cyona.

9

Gisanga abatindi
Bo kwa Nyamutera
Batonora udutoki
Dutoto dutanu
Dutonze agatemerি.
Kiti «nze?»
Bati «nde?»
Kiti «njye!»
Bati «oya!»
Kiti «ashwil!»



10

Ibibazo byo kumva umwandiko

1. Ni bande bavugwa muri iyi nkuru?
2. Ni hehe Musoni yagiye? Ryari ?
3. Ni ibiki Musoni yigiye kuri babyara be?
4. Ni gute Musoni yumvise ameze igihe yigaga ibyo bintu byose?
5. Nimusubiremo amwe mu magorane mwaba muzi.
6. Haba hari amagorane n'uturingushyo waba warafashe mu mutwe mu rwego rwo kwimenyereza kuvuga neza kandi udategwa? Bivuge.

1



a) Ririmba iyi ndirimbo, uyisubiremo kenshi maze uyifate mu mutwe.

Ngwino iwacu dutarame
Ngwino iwacu tubyine cyane.
Yeeeeee, ngwino iwacu dutarame.

Ngwino iwacu dusimbuke,
Ngwino iwacu turirimbe twese.
Yeeeeee, ngwino iwacu dutarame.

Ngwino iwacu ducurange cyane,
Ngwino iwacu tuvuze ingoma.
Yeeeeee, ngwino iwacu dutarame.

Ngwino iwacu twivuge ibigwi,
Ngwino iwacu duhamirize
Yeeeeee, ngwino iwacu dutarame.

Ngwino iwacu duce imigani,
Ngwino iwacu dusakuze.
Yeeeeee, ngwino iwacu dutarame.

Ngwino iwacu dusiganwe,
Ngwino iwacu tuvuge imivugo.
Yeeeeee, ngwino iwacu dutarame.

Abana, abasore n'inkumi,
Ababyeyi, aho muri hose.
Yeeeeee, ngwino iwacu dutarame.



b) Mu nteruro zikurikira, hitamo interuro zivuga ibihuye n'indirimbo wasomewe, uzandike mu ikayi yawe.

1. Abantu bakuru ni bo bahamagarwa mu gitaramo bonyine.
2. Kubyina, kuririmba, gucuranga kwishima ni bimwe mu buryo bwinshi bwo gutarama.
3. Kurwana ni bumwe mu buryo bwo gutarama.
4. Gutaramana n'abandi bitera agahinda.

2



1. Itegereze uko buri nyuguti yanditse, hanyuma wandukure interuro ikurikira mu mukono mu ikayi yawe.

a o m n r d g c e u l t j i f s y h p b k v w z
A O M N R D G C E U L T J I F S Y H P B K V W Z

- a) Isha y'umushi y'ishashi ishoka ijishe ijosi.
- b) Nzaramba na Tereza bagiye Tanzaniya kureba bakuru babo.



2. Soma izi ntondeke maze ushakemo amagambo agenda agaruka.

Dore umucyo ukwiriye hose
Uturabo twiza turabumbuye
Turimo umweru wera de
Turimo umuhondo w'ihogoza
Turimo umutuku tukutuku.

3

Uzuza iyi mikarago ukoreshheje amagambo akurikira:

1. kudususurutsa 2. iburasirazuba 3. kutumurikira.

Dore akazuba keza
Gaturutse.....
Kaje
Kaje

4

Andika ibintu bitanu bikoreshwa mu ndirimbo:

1. 2. 3. 4. 5.

5

Subiza yego cyangwa oya ukurikiye ibivugwa mu ndirimbo Ngwino iwacu dutarame.

1. Abana bo ntibashobora kujya mu gitaramo.
2. Mu gitaramo baca imigani
3. Igitaramo gituma abantu basabana.

6

Ushingiye ku byo wasome mu nkuru "Inyigisho za Sogokuru", soma ibibazo bikurikira, wandike ibisubizo mu ikayi.

1. Kuki umwana uvugwa muri iyi nkuru akunda kuganira na sekuru?
2. Vuga nibura ibintu 3 sekuru yamwigishije?

7


Mu matsinda ya babiri babiri, muhange umuvugo ufite imikarago nibura itanu, ku nsanganyamatsiko mwihitiyemo.

1

Inyigisho za sogokuru



2



Nkunda kuganira cyane na Sogokuru. Kuganira na we bituma menya byinshi ntari nzi. Sogokuru yanyeretse uko namenya u Rwanda rwanjye.

3




Sogokuru yanyeretse uko nakoresha amaso yanje. Nshobora kubona ko ibigori byeze, bigeze igihe cyo gusarurwa. Yambwiye ko ibisage byo hejuru bitangira kugwa kandi imisatsi yabyo iba ari umukara.

4




Nshobora kubona ko igitoki cyeze, ko gishobora gutemwa kikaribwa cyangwa kigatarwa. Nshobora kwitegerezza kandi ngatandukanya insina zera ibitoki biribwa imineke cyangwa izera ibitoki biribwa bitetse.

5



Sogokuru yanyigishije gukoresha amatwi yanje. Nshobora kumva uko inka zabira. Nkamenya ko zikeneye kujya kurisha. Nshobora kandi kumva inyana zabira zishaka konka. Nshobora no kumvira kure indirimbo y'umushumba nkamenya ko acyuye cyangwa ashoye inka.

6




Nshobora kumva abantu bari mu isoko. Nkamenya ko ari umunsi w'isoko mu mudugudu. Nshobora gutandukanya amajwi y'abana bakina n'ay'abantu bakuru. Nshobora gutandukanya amajwi y'abagabo n'abagore. Nshobora kumva amajwi y'abaririmbyi cyangwa abakinnyi.

7



Sogokuru yanyeretse uko nkoresha izuru ryanje. Nshobora kumva impumuro y'ibyatsi igihe cy'izuba ry'amanywa. Nshobora kumva impumuro nziza ziva mu ndabo z'ibiti. Izuru ryanje rimfasha kumva umunuko nkawirinda.

8



Nshobora kumva impumuro y'umwotsi ku mugoroba. Ni igihe cyo gutegura ifunguro rya nyuma ry'umunsi. Iyo ntashye nkagera mu rugo, nshobora kumva ko mama ahishije ibiryo. Nshobora kumenya ko ibiryo bishiririye cyangwa se ko bihiye neza.

9




Sogokuru yanyeretse uko nakumva ibinkozeho. Nshobora kumva ko imvura igiye kugwa. Umuyaga uba ukonje maze ugahuha ugana irya n'ino. Nshobora kumva ko hashyushye cyangwa se hakonje. Mbasha gutandukanya uko ibikoresho ibi n'ibi biteye, kuko mbikoraho maze nkamenya ko byoroshye cyangwa se bikomeye.

10



Nshobora kumva injyana z'ingoma n'iz'indirimbo, mu birenge byanjye, mu biganza byanjye no mu mutima wanjye. Mbasha gutandukanya indirimbo zifata injyana ibanguka cyangwa yihuta, maze nkaba nabyina nkurikije injyana.

11



Ingingo z'umubiri wanjye zimfasha kumva, kubona no gusobanukirwa n'ibinkikije. Ndabona igihugu cyanje, ndumva igihugu cyanje, nkunda igihugu cyanje.

12

Ibibazo byo kumva umwandiko

1. Ni ba nde bavugwa mu mwandiko?
2. Ni ibihe bintu bitandukanye sekuru w'uwenditse inkuru yamwigishije?
3. Umwanditsi yumva amerewe ate iyo atekereje ku gihugu cye?
4. Uratekereza ko umwanditsi w'umwandiko ari muntu ki? Umwana cyangwa umuntu mukuru? Kubera iki?
5. Ni ukubera iki ibintu sekuru w'umwanditsi yamwigishije ari ingenzi kubimenya?
6. Haba hari ibyo ugenda wigira ku bantu bakuruta? Bivuge uvuge n'abo wabyigiyeho.

1

Hitamo interuro zivuga ibihuye n'ibivugwa mu ikinamico “Turi magirirane” uzandike mu ikayi yawe.

1. Intare yari yaraciye utunyamaswa duto mu ishyamba kubera ko twayibuzaga kwisinzirira.
2. Imbwa yanze gutabara intare kubera ko yari yaramaze amatungo ya shebuja.
3. Umukecuru ahageze yagerageje gutabara intare biramunanira.
4. Imiswa n'imbeba byanze gutabara intare kuko yari yarabyirukanye mu ishyamba bituma umutego uyica.
5. Intare imaze kuva mu mutego yahise yirukanka ku bantu bari bahari ishaka kubarya.

2

1. Itegerezze uko buri nyuguti yanditse, hanyuma wandukure interuro zikurikira mu mukono mu ikayi yawe.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

1. Twahimbye agakinamico kavuga ko abantu twese turi magirirane.
2. Akagabo gahimba akandi kataraza.



2. Uzuza interuro z'iki kiganiro mu ikaye yawe unoza umukono.

Intare: Utunyamaswa duto.....

Imbeba: Nyamara twese turi.....

Imiswa: Dushobora kugukiza.....

3

Andika interuro ukoresheje aya magambo.

1. Abakerarugendo
2. umutego

4 Fatanya na bagenzi wawe mukine agakino gakurikira:

Karaba intoki

Mutoni: Kagisha, ko wicaye wigunze hano wenyine?

Kagisha: Sha, mama yankubise.

Rugwiyo: Yaguhoye iki Kagisha?

Kagisha: Ngo ni uko nari ndiye ibiryo ntakarabye.

Mutoni: Wazize ikosa ryawe. Kurya udakarabye ni bibi.

Rugwiyo: Kurya udakarabye byagutera indwara.

Mariza: Jye sinshobora kurya ntakarabye intoki.

Kagisha: Na njye niyemeje kujya nkaraba intoki mbere yo kurya.

5



Hitamo igisubizo kiri cyo ucyandike mu ikayi.

1. Turi magirirane bivuga ko:

- Nta wudakenera undi
- Nta wafasha undi
- Abafite imbaraga batabara abanyantege nke.

2. Uwakuye intare mu mutego ni:

- Umukecuru n'inonyi
- Abakerarugendo n'imbwa
- Imbeba n'imiswa

6



Ushingiye ku byo wasomye mu nkuru “Inyamaswa zo muri pariki”, soma ibibazo bikurikira wandike ibisubizo mu ikayi.

1. Vuga nibura ibintu bibiri uzi kuri pariki.

2. Kuki intare yitwa umwami w'ishyamba?

7



Ushingiye ku byo wize ku nkuru wasomewe, andika agakuru kagufi uhoreye ku ntangiriro ikurikira:


Umunsi umwe, intare umwami w'ishyamba

1

Inyamaswa zo muri pariki



2



Pariki ni ahantu inyamaswa zo mu gasozi ziba. Muri za pariki habamo inyamaswa nyinshi. Zimwe ziba ari nini izindi ari ntoya.

3



Impundu n'ibitera biba muri parike. Impundu zigira urusaku rwinshi, kandi ni nini kurusha ibitera.

4




Ibitera bizi kwiruka cyane.

Biba ari bito ku mpundu. Bishobora kugenda bihagaze ku maguru abiri nk'umuntu cyangwa bigakambakamba iyo bikeneye kwihuta.


Bikunda kwiba imyaka abantu baba bahinze nk'ibigori, ibitoki, ibijumba n'imyumbati.

5




Inzovu n'inkura na zo ziba muri parike. Inzovu ni yo nyamaswa nini ku isi mu ziba ku butaka.

6



Inkura ziba zibyibushye zifite umubiri wiburungushuye n'amahembe abiri ku zuru ryazo. Inkura zirya ibyatsi, amababi y'ibiti n'ibimera binyuranye.

7



Utuyongwe n'imikara ni udusimba tuba mu byatsi n'ibiti
byo muri pariki. Utuyongwe dutungwa n'udusimba duto
n'iminyorogoto.

Akayongwe ntigashobora kurumwa n'inzoka.


Akayongwe gashobora guhagarara nk'umuntu ku maguru abiri
iyo gashaka kureba ahirengeye.

8




Umukara uba mu muryango ugizwe n'imikara ishobora kurenga
makumyabiri. Umukara utungwa ahanini n'udusimba tuguruka.
Umukara ntushobora gukomeretswa n'inzoka n'utundi dusimba
dufite ubumara.

9



Intare n'ibisamagwe biba muri parike. Intare ziratontoma cyane, kandi zikunda guhiga cyane. Intare yitwa umwami w'ishyamba kuko izindi nyamaswa ziuitinya.

10



Ibisamagwe biba mu bwoko bw'ibiryanyama. Ibisamagwe ntibitontoma. Bishobora guhuma, kugonga cyangwa kugona. Ibisamagwe bimara igihe kinini biri guhiga.

11



Izo nyamaswa zose ndetse n'izindi tutavuze, ziba muri pariye.
Izo nyamaswa zose, inini n'intoya, ni ibyiza bitatse u Rwanda.
Ni ngombwa kwita kuri pariki kuko ari yo inyamaswa
zituyemo. Inyamaswa zikwiye kubaho neza mu mudendezo,
zikarindwa gushimutwa cyangwa kugirirwa nabi.

12

Ibibazo byo kumva umwandiko

1. Ni izihe nyamaswa zivugwa mu mwandiko?
2. Inyamaswa zivugwa mu mwandiko ziba he ?
3. Inyamaswa zivugwa mu mwandiko zitandukaniye he?
4. Ni akahe kamaro izo nyamaswa zose zifitiye u Rwanda?
5. Wowe urumva inyamaswa zo mu ishyamba hari icyo zikumariye? Sobanura.
6. Haba hari ibibazo byo gushimuta inyamaswa, gutega inyon'i bindi ubona aho utuye? Vuga inama wagira ababikora n'uburyo waharanira ko bicika.?

1

Andika mu ikayi yawe igisubizo kijyanye n'ibivugwa mu nkuru “Nzi kwandika ibaruwa.”

1. Gwiza yari mubyara wa Rugwiyo.
2. Gwiza na Rugwiyo bararwanaga.
3. Rugwiyo na Gwiza barakundanaga cyane.
4. Gwiza yabaga muri Kigali, naho Rugwiyo we yabaga mu cyaro mu Ntara y'Amajyepfo.

2

1. Itegerewe uko buri nyuguti yanditse, hanyuma wandukure interuro zikurikira mu mukono mu ikayi yawe.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

1. Ibaruwa mubyara wanje yanyandikiye yaranshimishije cyane.
2. Abantu benshi bafite terefoni ngandanwa.



2. Andika uyu mwandiko mu ikayi yawe mu mukono.

Samusoni yabwiye Canamake ati “ ariko wacecetse, tukumva! Kubera urusaku rwave, ntabwo dushobora kumva.” Samusoni na we aramusubiza ati “mbabarira, ntabwo nari nzi ko ndimo kubasakuriza. Sinongera kubasakuriza.”

3

1. Koresha amagambo akurikira ukore interuro, maze uzandike mu ikayi yawe.

- a. Intara y'igihugu b. Mubyara c. Urukumbuzi d. Nyirarume

2. Uhoreye ku nkuru wasomewe, kora izindi nteruro wuzuze igitekerezo gikurikira.



Gwiza na Rugwiyo.....

4



**1. Mu bantu bakurikira, hitamo umwe
umwandikire ibaruwa ngufi**

1. Incuti magara yawe
2. Mwarimu wawe
3. Mukuru cyangwa murumuna wawe wiga ku kindi kigo
4. Umwana mwigana warwaye
5. Mama cyangwa papa wawe

5



**Hitamo interuro ijyanye n'ibivugwa mu
ibaruwa ubyandike mu ikayi yawe.**

1. Ibaruwa ni uburyo bw'itumanaho.
2. Mu ibaruwa, uwanditse ageza amakuru ku ncuti ye batari kumwe.
3. Ibaruwa ntigikoreshwa na gato muri iki gihe.

6



**Ushingiye ku byo wasomye mu nkuru “Uburyo
bw'itumanaho”, soma ibibazo bikurikira
wandike ibisubizo mu ikayi .**

1. Ni ubuhe buryo bw'itumanaho bwakoreshwaga mu gihe cyo hambere?
2. Ni ubuhe buryo bw'itumanaho bwazanywe no kumenya gusoma no kwandika?


7

**Mu buryo bwo gutumanaho bukurikira, hitamo
butatu bukoreshwa hagati y'incuti n'abavandimwe
ubwandike mu ikayi yawe.**

- | | |
|------------|---------------|
| 1. ibaruwa | 2. tereviziyo |
| 3. imeyili | 4. terefoni |

1

Uburyo bw'itumanaho



2



Haba hari umuntu waba warigeze koherereza
ubutumwa?

Waba se uzi ukuntu uburyo bwo gutumanaho bwagiye
buhinduka kuva mu mateka ya kera?

Kuva kera abantu bagiye bahererekanya ubutumwa.

3




Kuvuza ingoma bwari bumwe mu buryo bwa kera bwo gutanga ubutumwa. Imirishyo y'ingoma itandukanye yatangaga ubutumwa butandukanye. Hari umurishyo umenyesha ko habaye ibyago, amakuba cyangwa icyorezo cyateye. Habagaho kandi umurishyo uhamagarira abantu kwitabira inama cyangwa ibirori.

4



Nyuma, abantu baje kumenya gusoma no kwandika. Ni ukuvuga ko ubutumwa bwashoboraga kwandikwa maze bukoherezwa. Ubwo butumwa ni bwo bwabaye amabaruwa ya mbere.

5



Terefone na yo yahimbwe mu binyejana bishize, mu mwaka wa 1876.

Ukoresha terefone ashobora koherereza mugenzi we ubutumwa bw'ijwi bukiye mu rusinga.

6



Muri iyi minsi, abantu bensi bagendana terefoni zitagira umugozi bita terefone ngandanwa.

Abantu bashobora gukoresha izo terefone bavugana aho baba bari hose.

Terefone ngandanwa kandi zikoreshwa n'abantu bandikirana bakanohererezanya ubutumwa bugufi bwanditse.

7




Ushobora gukoresha mudasobwa cyangwa terefone ngendanwa mu kohereza no kwakira ubutumwa buciye ku murongo wa interineti bakunze kwita murandasi. Ubwo butumwa buciye kuri murandasi babwita imeyili, ari yo magambo ahinnye avuga ibaruwa yohererezwa mu buryo bw'ikoranabuhanga. Ubutumwa bwa imeyili, buranyaruka kurusha kwandika ibaruwa isanzwe.

8



Mu kwanzura twavuga ko hari ikintu kimwe cy'ihamε: buri gihe abantu bazakenera kohererezanya ubutumwa. Hari impinduka nyinshi cyane zabaye kuva aho ubutumwa bwa mbere bwoherejwe. Mu bihe bizaza, tuzabona ubundi buryo bwinshi bwo kohererezanya ubutumwa.

9



10

Ibibazo byo kumva umwandiko

1. Vuga uburyo butandukanye bwagiye bukoreshwa mu kohererezanya ubutumwa kugeza ubu?
2. Ni ubuhe buryo bwo gutanga ubutumwa bwakoreshejwe mbere?
3. Ni ubuhe buryo bwo gutumanaho bwazanywe no gusoma no kwandika?
4. Kuki abantu bakenera kohererezanya ubutumwa?
5. Aho utuye haba hari ibibazo ubona ko byakemurwa n'itumanaho ryihuta? Bivuge uvuge n'inama wagira ababifite.

1

**Andika yego cyangwa oya ukurikije
ibyasomwe mu nkuru “Imparage yanditse
umwirondoro wayo”**

1. Imparage yari isobanukiwe no kwandika neza umwirondoro wayo.
2. Bakame yanze gufasha imparage kwandika umwirondoro wayo.
3. Imparage yari ifite uburambe mu gucira abana imigani.
4. Imparage ntiyari izi uturirimbo twinshi tw'lkinyarwanda.

2

**Itegereze uko buri nyuguti yanditse, hanyuma
wandukure interuro zikurikira mu mukono
mu ikayi yawe.**

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

Abantu twese turi magirirane. Abakuru n'abato, abakire n'abakene, abakomeye n'abanyantegenke bose ni magirirane. Buri muntu akenera undi kandi koko babivuze ukuri “nta mugabo umwe.”

3

Andika interuro ukoresheje aya magambo.

1. umwirondoro.
2. uturirimbo tw'lkinyarwanda.

4



Mu magambo akurikira, toranyamo ajyanye n'umwirondoro.

1. Amazina
2. Imparage
3. Uburambe ku kazi

5



Hitamo igisubizo kiri cyo ucyandike mu ikayi yawe.

Imparage yari ifite uburambe mu kazi gakurikira:

1. Kujuvana abana ba Warupyisi ku ishuri.
2. Gucira abana imigani no kubabwira udukuru.
3. Kuririmba uturirimbo tw'lkinyarwanda.
4. Kuvuza ingoma.

6



**Ushingiye ku byo wasomeye mu nkuru
“Nyirancuti, umukobwa w’intwari”, soma ibibazo bikurikira wandike ibisubizo mu ikayi .**

1. Nyirancuti ni muntu ki?
2. Nyirancuti yakoze iki kugira ngo ibiti bikwire hose?

7

Andika umwirondoro wawe uhoreye ku nteruro zikurikira:

1. Amazina yanjye:.....
2. Navutse.....
3. Navukiye.....
4. Amazina ya Mama.....
5. Amazina ya Data
6. Nkunda:.....
7. Nshobora:.....

1

Nyirancuti, umukobwa w'intwari



2




Mu bikombe by'imisozi miremire ya Karongi, ni ho Nyirancuti Goreti yavukiye, mu mwaka wa 1952.

3



Akiri muto, yakundaga kumva ababyeyi be n'abaturanyi bavuga ibyerekeranye n'uko imvura kera yagwaga neza, bagahingira ku gihe, kandi imyaka ikera neza.

4



Mu gihe cye, abana benshi ntibashoraga kwiga kuko amashuri atari yagakwiriye hose. Nyirancuti we yashoboye kujya mu ishuri, yiga ibijyanye n'ubuhinzi n'ubworozi.

5



Amaze kurangiza amashuri, yagiye gukora mu mujyi mu kigo gishinzwe guteza imbere ubuhinzi, ariko ntiyigeze yibagirwa aho yakomotse n'inkuru yumvise akiri umwana muto.

6



Aho yari atuye, yahateye ibiti byinshi mu busitani, akajya yicara munsi yabyo asoma, akumva amerewe neza, kubera amahumbezi yabyo.

7



Ntibyatinze rero agira igitekerezo cyo gutera ibiti byinshi ku musozi yari atuyeho. Yashatse ingemwe nziza z'ibiti by'amoko yose, ibibazwa, ibyera imbuto ziribwa, ibiba mu mashyamba ya kimeza, maze abitera ahantu hose hatari imyaka n'amazu, ndetse no ku mpinga y'umusozi, aho nta kindi kintu cyashoboraga kuhera.

8



Nyirancuti yateye ibiti byinshi kuko yari azi akamaro kabyo: birinda isuri, biyungurura umwuka duhumeka, bikurura imvura, bitanga inkwi zo guvana n'imbuto zidutungira ubuzima kandi bikubakishwa.

9



Kugira ngo ibiti bikwire hose, yakanguriye abantu bose gutera ibiti. Nuko abagore n'abagabo baramwegera, abaha imbuto z'ibiti by'amoko atandukanye, anabigisha uko bazitera.

10



Nyuma yaho, abaturage benshi batangiye kumenya agaciro k'igitu, bamugana ari benshi kumugisha inama z'uburyo bakwita ku biti byabo kugira ngo bikure neza.

11



Hanyuma, ibiti byaje gukwira mu gihugu hose. Nguko uko Nyirancuti yafashije abaturanyi be n'igihugu cye, yigisha abaturage gukora bagamije ineza yabantu bose. Burya rero uko uteye igitu kimwe, ni ko uba ufashije imbagu yabantu benshi ku isi. Harakabaho ubufatanye!

12

Ibibazo byo kumva umwandiko.

1. Nyirancuti yavukiye hehe? Ryari?
2. Nyirancuti yakundaga iki akiri muto?
3. Akamaro k'ibiti kavugwa mu mwandiko ni akahe?
4. Ni bande bitabiriye gufasha Nyirancuti gutera ibiti?
5. Ni iyihe mpamvu gutera ibiti bigirira akamaro abantu benshi?
6. Mu gace utuyemo, ubona hari ahakwiye gaterwa amashyamba cyangwa aho yangizwa? Niba hahari ni iyihe nama wagira abahatuye?



1. Soma interuro zikurikira, wandike yego cyangwa oya ushingiye ku nkuru wasomewe.

1. Ikinyamakuru kigira izina.
2. Ikinyamakuru kivuga ku nkuru imwe gusa.
3. Birabujije gushyira ibishushanyo mu kinyamakuru.
4. Ni ngombwa kwandika izina ry'uwanditse inkuru iyo ari yo yose iri mu kinyamakuru.



Itegereze uko buri nyuguti yanditse, hanyuma wandike interuro zikurikira mu mukono mu ikayi yawe.

a o m n r d g c e u l t j i f s y h p b k v w z

A O M N R D G C E U L T J I F S Y H P B K V W Z

Mukamusoni yagiye mu ishyamba gutashya_ ahurirayo
n'imbwa iramwirukankana_ Ageze imbere yihisha mu gihuru
imbwa iramubura ariko abura inzira imusubiza mu rugo_
Nuko atangira kurira cyane anahamagara nyina ati _
“mama_ mama_” Kera kabaye_ umuturanyi wabo Gasana
amunyuraho ati “niko Mukamuso_ urakora iki aha_” Undi ati
“nayobye.” Nuko Gasana aherako aramutahana_



3. Ushingiye ku nkuru wasomewe mu ishuri, uzuza iyi nteruro hanyuma uyandike mu ikayi yawe.

Mu kanyamakuru Sangwa na Rita banditse bavugagamo

....

4



**Ushingiye ku biranga ikinyamakuru
bikurikira, andika inkuru imwe wumva yajya
mu kanyamaru k'ishuri**

1. inomero
2. ibishushanyo
3. umutwe w'inkuru
4. ibitekerezo bitandukanye
5. izina ry'ikinyamakuru
6. izina ry'uwanditse inkuru

5



**Wifashishije amagambo akurikira, andika
inkuru yajya mu kanyamakuru k'ishuri
ryawe**

- | | |
|----------------|-------------|
| 1. amarushanwa | 2. mwarimu |
| 3. isuku | 4. ibihembo |

6



**“Umubo”, soma ibibazo bikurikira wandike
ibisubizo mu ikayi .**

1. Vuga nibura ibintu bitatu uzi ku mubu.
2. Vuga nibura ibintu bitatu twakora kugira ngo
twirinde kurumwa n'imibu?

7


**Ushingiye ku byo wize ku kinyamakuru,
kora interuro eshatu, wuzuze igitekerezo
gikurikira.**

Isuku ku ishuri


Ishuri ribanza rya Muko riherereye mu
majyaruguru. Kuri iryo shuri

1

Umubu



2



Imibu ni inigwahabiri. Umubu ugira uduhembe tubiri ukoresha mu kumva no guhumurirwa. Umubu ugira amaguru atandatu n'amababa abiri. Imibu iba ahantu hose ku isi. Imibu ikunda kurumana cyane ku mugoroba na nijoro.

3



Waba ukunda kubona imibu aho utuye? Ese waba warigeze kurumwa n'umubu? Abantu ntibakunda imibu kuko irumana. Hariho kandi n'imibu itera indwara maze ikayikwirakwiza.

4



Imibu yororokera mu bidendezi by'amazi, mubihuru n'ahandi hatagera urumuri ruhagije. Umubu w'ingore utera amagi mu mazi, mu byondo no mu bihuru. Iyo hashyushye cyane, amagi ashobora kwituraga mu minsi kuva kuri itatu kugeza kuri itanu. Iyo hakonje, bishobora gufata iminsi igera kuri cumi n'ine cyangwa ikarenga.

5



Imibu y'ingore yitwa "anoferi" ni yo ikwirakwiza marariya. Iyo umubu w'ingore urumye umuntu urwaye marariya maze ukaruma umuntu muzima, umwanduza indwara ya marariya.

6



Ni ngombwa cyane gusukura aho tuba, dukuraho ibidendezi bishobora kureka mu mbuga no mu bikoresho. Ni ngombwa kandi gutema ibihuru n'ibigunda bikikije urugo kuko byihishamo imibu. Ese wari uzi ko umubu ushobora gutera amagi mu ipine ryashaje cyangwa mu kadobo gateretse ku mbuga?

7



Ni byiza kwirinda cyane kurumwa n'imibu. Kurara mu nzitiramibu iteye umuti, ni uburyo bwiza bwo kwirinda kurumwa n'imibu itera marariya. Ni ngombwa kandi gukinga amadirishya n'inzugi hakiri kare, kugira ngo imibu itinjira mu nzu.

8

Ibibazo byo kumva umwandiko

1. Kuki abantu banga imibu?
2. Umubu utera hehe amagi?
3. Ni iyihe ndwara umubu ukwirakwiza?
4. Imibu ikwirakwiza indwara gute?
5. Ni gute wakwirinda kurumwa n'umubu?
6. Mu muryango ubamo n'aho urara hari ingamba zafashwe mu rwego rwo kwirinda marariya? Niba nta zihari urumva ugiye gukora iki?



1. Ushingiye ku nkuru wasomewe, uzuza izi nteruro ukoresheje amagambo akurikira, uzandike mu ikayi yawe (unyugururire, musaza, nzagukarangira).

- Baba yariwa Nyanshya.
- Nuza kunsura..... ubunyobwa
- Ninkomanga..... umuryango wo hanze.



2. Ukoresheje akambi, huza amagambo/ imvugo bikurikira n'ibisobanuro byayo

1	Kwarika	Igikoko
2	Nyogosenge	Gucanira amazi yo kuvuga umutsima
3	Igisimba	Akanyoni gato
4	Agafundi	Mushiki wa so



1. Itegerezze uko buri nyuguti yanditse, hanyuma wandukure interuro zikurikira mu mukono mu ikayi yawe.

a o m n r d g c e u c l t j i f s y h p b k v w z

A O M N R D G C E U L T J F S Y H P B K V W Z

- Umwana utumvira se na nyina yumvira ijeri.
- Igit iigororwa kikiri gito.



2. Uzuza iyi migani migufi

- Ibyaye ikiboze
- Utazi ubwenge



1. Andika interuro ukoresheje aya magambo:

- urutare:
- agafundi:
- kugabana



2. Muri iyi migani, toranyamo ihuje n'ibivugwa mu mugani wa Nyashya na Baba.

- Akagabo gahimba akandi kataraza
- Ibyaye ikiboze irakirigata
- Utazi ubwenge ashima ubwe.

4



Andika iyi migani y'imigenurano maze uhuze buri mugani n'igisobanuro cyawo ukoresheje akambi.

- | | |
|--|-------------------------------------|
| a) Akarenze umunwa karushya ihamagara. | 1. Uwitwaye nabi arasuzugurwa. |
| b) Ushaka inka aryama nka zo. | 2. Amagambo mabi agaruka uwayavuze. |
| c) Uwigize agatebo ayora ivu. | 3. Kugera ku byiza biraharanirwa. |

5



1. Uzuza iyi migani migufi ikurikira:

- a. Umwana utumva.....
- b. Agatirano ntikamara
- c. Umwanzi agucira.....



2. Tondeka interuro zikurikira ku buryo zubaka inkuru, uyandukure mu ikayi yawe.

1. Kamariza yaritegereje abona ari ihene y'umuturanyi we yaciye ikiziriko.
2. Ageze mu murima arabukwa igisimba cyazaga kimusanga.
3. Ineza yiturwa indi.
4. Ako kanya, Kamariza ahita ayifata kugira ngo itona imyaka mu murima.
5. Umunsi umwe, Kamariza yagiye kwahira ubwatsi bw'inyana mu murima.
6. Icyo gisimba cyari gifite amabara y'umukara n'umweru.
7. Uwo muturanyi yajyaga amusomera inkuru zishimishije.

6



Ushingiye ku byo wasomye mu nkuru "Ibisyimbo", soma ibibazo bikurikira wandike ibisubizo mu ikayi.

1. Vuga nibura ibantu bibiri by'ingenzi bigomba gukorwa mbere yo gutera ibisyimbo?
2. Ibisyimbo biri amako angahe? Ayahe?

7



Ushingiye ku byo wize mu nkuru, kora interuro eshatu , wuzuze igitekerezo gikurikira.


Nyanshya na Baba bagize ubutwari kuko

1

Ibishiimbo



2



Waba ukunda kurya ibishiimbo? Kubihinga biroroshye kandi birashimishije.

Mbere na mbere banza utegure ubutaka uzateramo ibishiimbo, ubuhinge neza kandi ugende wongeramo ifumbire. Ibishiimbo bikunda ahantu hagera urumuri rw'izuba kandi hari ifumbire.

3




Ca imirongo, ucukure utwobo, hanyuma ugende ushyiramo imbuto z'ibishyimbo, zitarenze ebyiri muri buri kobo. Nyuma yaho uragenda utaba twa twobo, usubizaho itaka.

4



Niba ari mu gihe cy'izuba, ni ngombwa kuhira ibishyimbo. Kuhira bikorwa mu gitondo na nimugoroba, ubutaka butarakakara.

5





Nyuma y'iminsi mike, itegereze uko ibishyimbo byawe biva mu butaka, bikagondora, bikazana amababi, bigakomeza gukura. Wibuke kubibagara neza kugira ngo birusheho gukura neza.

6






Hanyuma usarure ibishyimbo byawe. Niba ari iby'imateja, ni ngombwa kubisoroma kenshi kuko ari bwo bitanga umusaruro uhagije. Ibindi byo ushobora kubisoroma bikiri ibitonore cyangwa ugategereza ko byuma, kugira ngo ubone uko ubihunika.

7



Bigira amabara menshi. Hari ibigira ibara ry'umukara, umutuku, umweru, umuhondo cyangwa se ugasanga bifite amabara menshi. Bigira amazina menshi atandukanye. Hari ibyitwa mutiki, mukwararaye n'andi mazina menshi.


8



abantu benshi bakunda gutegura amafunguro bakoresheje ibishyimbo biyejereje. Hari amoko menshi y'ibishyimbo, arimo: ibigufi, ibishingirirwa n'iby'imateja.

Ibishyimbo bishobora kuribwa biri kumwe n'ibindi biribwa bitandukanye: umuceri, ibijumba, ubugari, imboga n'ibindi.

9



Ibisyimbo biraryoha, ibyo bigatuma bikoreshwa kenshi mu mafunguro ya buri munsi. Kandi ni mu gihe, bikungahaye ku ntungamubiri. Uyu mukobwa yateguye ifunguro ry'umuryango we yifashishiye ibisyimbo yihingiye!

10

Ibibazo byo kumva umwandiko

1. Ibisyimbo biterwa ahantu hameze hate?
2. Ni iyihe mirimo ikorwa mu gutera ibisyimbo?
3. Ni ayahe moko y'ibisyimbo avugwa mu mwandiko?
4. Ni ibihe biribwa bishobora kuribwa biri kumwe n'ibisyimbo?
5. Uyu mwandiko ukwigishiye iki?
6. Vuga akamaro k'ibisyimbo mu bijyanye nimirire, ubukungu n'ibindi.

Isuzumabumenyi

1. Soma uyu mwandiko maze usubize ibibazo bijyanye na wo..

IZUBA

Iyo tugiye hanze, mu gitondo kare, haramutse umucyo, tugahagarara ahirengereye tukareba iburasirazuba tubona ikintu kimeze nk'ukwezi kw'inzora, gifite ibara ry'umuuhondo ukeye cyane. Icyo kintu tubona mu mpezajisho, gisa n'igifatanye n'ijuru, kiba gikikijwe n'ibara rijya gusa n'icyatsi kibisi. Icyo kintu ni izuba riba rigiye kurasa. Uko igihe kigenda cyicuma, ni ko izuba rigenda ryitatura isi tukabona risa n'irigenda mu kirere.

Aho izuba rirasira bahita iburasirazuba. Iyo urambuye amaboko ukw'iburyo ukakwerekeza aho rirasira, imbere yawe bahita amajyaruguru, inyuma yawe bahita amajyepfo. Mu gitondo, imirasire y'izuba ituruka iburasirazuba, ugasanga igicucu cy'ibantu ari kirekire cyane, kandi gihererereye iburengerazuba. Uko igihe kigenda, ni ko n'uburebure bw'igicucu bugenda bugabanuka. Nyuma y'amanywa y'ihangu, igicucu cyongera kuba kirekire, kugeza igihe usanga gifite uburebure bureshya n'ubwo cyari gifite izuba rikirasa. Ubwo haba ari nimugoroba izuba rijya kurenga.

Abahanga mu bumenyi bw'ikirere bavuga ko izuba ari umubumbe, uruta isi ubunini inshuro nyinshi; bavuga kandi ko ritava aho riri, ahubwo ko isi ari yo iryikaraga imbere irizenguruka. Izuba riri kure y'isi cyane ni yo mpamvu tubona ari ritoya, tukibwira ko isi iriruta ubunini. Iyo uruhande rumwe rw'isi rwikaraga imbere y'izuba urundi na rwo ruba ruri mu mwijima, ari byo twita ijoro. Nguko uko umunsi ubisikana n'ijoro. Izuba rifite akamaro kanini: riratumurikira, riradushyushya, ryumisha ibyo twanitse, ryica udukoko dutera indwara, iyo rifatanyije n'imvura rikuza ibyo duhinga rikabyeza. Abahanga bavuga ko mu mirasire yaryo harimo utuntu dutunga umubiri ukamererwa neza. Izuba ni umubumbe w'umuriro, nta kiwushyigikiye, nta kiwufashe, nta cyo uteretseho, ufashwe n'ububasha bw'lmana gusa.

Ibibazo byo kumva umwandiko

- a) Vuga amerekezo y'isi avugwa muri uyu mwandiko
- b) Kuki tubona izuba ari rito cyane?
- c) Ni akahe kamaro k'izuba kavugwa mu mwandiko?
- d) Uyu mwandiko ukwigishije iki?

2. Simbuza amagambo aciyeho akarongo imbusane zayo.

- a) Mujyanama yagiye mu majyepfo gusura mwishywa we.
- b) Iyo hariho ubushyuhe, twiyambura imipira.
- c) Uriya mugabo, yahindutse umukene kubera kwanga umurimo.
- d) Kurya neza no kugira isuku bituma tugira ubuzima bwiza.

3. Koresha aya magambo hanyuma uhimbe interuro.

- a) Iburasirazuba
- b) umucyo
- c) kurasa
- d) umubumbe

4. Andika iki gice cy'umwandiko mu mukono.

Umubiri w'umuntu ugira ibice bitatu by'ingenzi: umutwe, igihimba, amaboko n'amaguru. Ubamo kandi amagufwa menshi. Ibice by'umutwe ni uruhanga, izuru, umunwa, amaso, imisaya, amatwi, amatama n'akananwa. Muzi akamaro k'ibyo bice se?

5) Soma intangiriro y'uju mwandiko, maze utekereze ku buryo wakomeza kuwandika, uwandike mu ikayi yawe.

Akamaro k'imvura.

Imvura na yo idufitiye akamaro kanini cyane.

Imvura

.....

.....

Ibisakuzo

1. Abakobwa banjye babyina bose. *Imiryaya Y'Inanaga*
2. Aka kariza so. *Akanyarirajisaho*
3. Akababaje umugabo kamurenza impinga. *Ifaradanga*
4. Akana kanjye ni maguru ya Sarwaya. *Ubaruwa*
5. Amabuye ya Nyarubuyenge wayabara ntiwayashobora. *Ukwezi n'inyenyeri*
6. Biratinyana. *Umwijiima n'urumuri*
7. Hakurya mu gihuku. *Inzu ittagira abantu*
8. Inka yanjye nyikama igaramye *Umuvure*
9. Karihuta. *Igare*
10. Ko undeba ndaguha. *Imyengé Y'Inzu*
11. Mfite umugabo unganza. *Ibitotsi*
12. Mugongo mugari mpekera abana. *Urusenge, uburiri*
13. Nahinze mu mpinga nsarura mu gapfunsi. *Umusatsi*
14. Nagutera icyo utazi utabonye. *Ubuto/ubukwe bwa so na nyoko*
15. Nkandagiye itafari rimena itegura risakaza inkuru i Burayi. *Radiyo*
16. Nyirabugenge n'ubugenge bwayo. *- Inkozo mu guuctsa nta mabre
- Inzoka mu kugenda nta maguru,
- Inka kuba umukara igakamwa ayera,*
17. Sakuza n'uwo muri kumwe. *Ururimi rwave*
18. Sogokuru aryoha aboze. *Umunke*
19. Zana akebo nzane akandi tujye gutara intagwira. *Ubwoya bw', inka*
20. Kati hii kati huu! *Agakecuru kocyejwe n'igikoma*

Imigani y'imigenurano

1. Abasangira bike bitana ibisambo.
2. Abwirwa benshi akumva bene yo.
3. Agapfundikiye gatera amatsiko.
4. Ahari amahoro, uruhu rw'imbaragasa rwisasira batanu.
5. Ak'imuhana kaza imvura ihise.
6. Akababaje umutima kazindura amaguru.
7. Akanyoni katagurutse ntikamenya iyo bweze.
8. Akarenze umunwa karushya ihamagara.
9. Amagara araseseka ntaylorwa!
10. Icyo umutima ushaka, amata aguranwa itabi.
11. Ihene mbi ntuyizirika ho iyawe.
12. Iherezo riruta intangiriro.
13. Imana ifasha uwifashije.
14. Inzira ntibwira umugenzi.
15. Iyihuse ibyara ibihumye.
16. Mwene samusure avukana isunzu.
17. Nta muzindutsi wa cyane watashye mu mutima w'undi.
18. Uburiye umubyizi mu kwe ntako aba atagize.
19. Umwana apfira mu iterura.
20. Umwana murizi ntakurwa urutozi (ntakizwa intozi).

Ibyivugo

1. Ndi Rukamatamushogoro rwa Ntamushobora iyo iwacu bataseye sinseka.
2. Ndi agaca mu ziko ntigashye ndi inkuba y'amaganga.
3. Ndi umuhungu muto ndi umuziraguhunga, nanze guhunga iwacu twaraye ubusa.
4. Ndi ingangare y'isata yasa abahizi, Mirindi y'abasore Rubanzirizamihigo.
5. Ndi inkubito isanganira igitero, Rwagitinywa ndi imanzi, ndi umuhungu wemeye imihigo.
6. Nagiye ku rusenge ibitugu ndabitigisa, imyambi ndayisukiranya, abo twari kumwe ndabacyaha nitwa Cyaradamaraye.
7. Ndi Gatobotobo ka Ndabateze natega neza ndagatabaruka.

Indirimbo yubahiriza igihugu cy'u Rwanda

RWANDA NZIZA

1. Rwanda nziza Gihugu cyacu
Wuje imisozi, ibiyaga n'ibirunga
Ngobyi iduhetse gahorane ishya.
Reka tukurate tukuvuge ibigwi
Wowe utubumbiye hamwe twese
Abanyarwanda uko watubyaye
Berwa, sugira, singizwa iteka.

2. Horana Imana murage mwiza
Ibyo tugukesha ntibishyikirwa
Umuco dusangiye uraturanga
Ururimi rwacu rukaduhuza
Ubwenge, umutima, amaboko yacu
Nibigukungahaze bikwiye
Nuko utere imbere ubutitsa.

3. Abakurambere b'intwari
Bitanze batizigama
Baraguhanga uvamo ubukombe
Utsinda ubukoroni na mpatsibihugu
Byayogoje Afurika yose
None uraganje mu bwigenge
Tubukomeyeho uko turi twese.

4. Komeza imihigo Rwanda dukunda
Duhagurukiye kukwitangira
Ngo amahoro asabe mu bagutuye
Wishyire wizane muri byose
Urangwe n'ishyaka utere imbere
Uhamye umubano n'amahanga yose
Maze ijabo ryawe riguhe ijambo.

